

Հայկական գիտահետազոտական հանգույց  
Armenian Research & Academic Repository



Սույն աշխատանքն արտոնագրված է «Մտեղծագործական համայնքներ  
ոչ առևտրային իրավասություն 3.0» արտոնագրով

This work is licensed under a Creative Commons Attribution-NonComercial  
3.0 Unported (CC BY-NC 3.0) license.

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material



84  
15-65

ՄՈՐԻՍ ՄԵԴԵՐԼԻՆՔ

7-3

# Մարիս Մագուշենսկի

ԹԱՏԵՐՍԻԱՂ Յ ԱՐԱՐՈՒԱԾ



ՊԱՐԳՈՒԱՆԵՑ

ԶԱՐՄԱՅՅԻ Ա. ՔՀՆՅ. ԿԵԶԻՒԹԵԱՆ



Կ. ՊՈԼԻՍ  
ՏՊԳ. Ֆ. ՃԱՐԵԱՆ

1927

25 MAR 2013

10872

## ԵՐԿՈՒ ԽՕՍՔ

Ներկայ աւետարանաւունց հոյակասլ քատերախառ-  
պը հայացնելով մեր զիխաւոր նպատակը եղած է  
Հայ ժողովուրդին ծանօթացնել ժամանակակից գրի  
վարպետի մը զլուխ-զործոցը, ուր այնքան հզօր եւ բգ-  
մայլելի շաւնչով մը կը պարզաւի աւետարանական յու-  
զիշ դրուագ մը՝ աշխարհիկ կենօն մը դարձր դեպ ի  
գտղափարական բարձրութիւնները հոգեւոր կեանի  
մաքուր վայելիններուն:


Հեղինակին՝ Մօրիս Մեդելինքի՝ զործերուն վրայ  
նետուած ակնարկի մը մեջ — ինչ մը անդին — ամփոփ  
կերպով կը մատնանուին իր զործերը, եւ մասնաւո-  
րապէս «Մարիամ Մագդաղենացիյան, որուն վրայ խոր  
նիացում միայն ունին քննադատները»:

Ոչինչ ունինք աւելցնելիք մեր կողմէ:

Ըստն միայն թէ այս բարգմանուրեամբ մենք ուզած  
ենք ծառայել գրական նաւակի ազնուաց նաև, եւ հա-  
ւատի տաք շունչով մը ոգեւորել քնքերցողը:

Այս գեղեցիկ զործին հպարակութեան կողմէ  
գտնելիք ջերմ բնդունելութիւնը, որուն վասահ ենք, պի-  
տի բաշալերէ զմեզ՝ հայերէնի վերածելու նմանօթնակ  
ուրիշ զլուխ-զործոցներ, որոնք չեն պակսիր միջազգա-  
յին գրականուրեան մեջ, եւ որոնց այնքան պէտք ունի  
մեր ժողովաւրդը:

ԹԱՐԴՄԱՆԻՑ



1081-2000

## ԱԿՆԱՐԿ ՄԸ ՄՈՐԻՍ ՄԵԴԵՐԼԻՆՔԻ ԵՒ ԱՆՈՐ ԳՈՐԾԵՐՈՒՆ ՎՐԱՅ

Քոսաներորդ դարու ֆրանս . գրապէտներու հոյլին մէջ , Մօրիս Մեղերլինք , ծագումով Պելժ , բնորոշ և բարձր դիրք մը ունի : Նախապատերազմեան շրջանին , և պատերազմէն ալ ետքը , ան իր մեծ տաղանդին և փիլիսոփայական բարձր հայեցողութիւններուն միացուցածէ յստակ և զիւրահասկնալի ոճ մը : Իր անունը բաւական եղած է խոր յարգանք և հիացում ներչնչելու զինքը և իր գործը ճանչցողներուն : Բոլոր նրբաճաշակ գրասէրները քաղցր յուզումով մը կը վերյուշն անոր զմայլելի էջերը՝ Խօնարհներու զանձին (Le Trésor des humbles) , Խմասութիւն եւ Ճակատագիրին (La Sagesse et la Destinée) , Մեղունեցու կեանեքին (La vie des abeilles) . Ծաղիկներու իմացականութիւն (L'Intelligence des Fleurs) մէջ . էջեր՝ խորապէս սփոփարար և յուզիչ : Անմոռանալի տպաւորութիւն թողած են իր թատերական գործերը՝ Մօննա Վաննա , Խօնանունի Մալեն , Կապոյս Թոչունը և լն . , որոնք ժամանակակից թատերախազերուն մէջ բերած են նոր ձեւեր և գոյներ , խորաթափանց , զգլխիչ բոյրերով :

Մարիամ Մազդաղենացի , զոր այսօր բարերազդութիւնն ունինք ներկայացնելու Հայ լնթերցողներուն , իր յղացումովն ու ձեւովք՝ առաջին ակնարկով տարբերիւ կը թուի վերը յիշուած գործերէն . բայց այդ տպաւորութիւնը քննութեան չի զիմանար : Ֆրանսացի հեղինակաւոր քննադատ մը , Ատոլֆ Պոխուն , կը հաստատէ զայդ , և ասիկա իրեն առիթ մըն է պարզելու :

յաջողութեամբ Մօրիս Մեղերլինքի փիլիսոփայութիւնը Թանի թատերական քննադատը կը գրէ .

«Մարիամ Մագդաղենացին առանձին, մեկուսի գործ մը չէ գրագէտին արտադրութեանց մէջ . ան կապուած է հեղինակին մտածումի բարեշրջումին . մէկ օղակն է այն երկար շղթային, որ իր առաջին փորձերը կը միացնէ վերջին աշխատութեանց . և եթէ հետեւինք անոր ուղղութեան, կը տեսնենք թէ, առանց ուեւ ընդհատումի, դաղափարները կը յաջորդեն իրարու, աստիճանական, կանոնաւոր, ներդաշնակ զարդացումով մը : Մարիամ Մագդաղենացին ենթադրուածին չափ հեռու չէ իւսանուինի Մալինէն, Բալկասէն և Իննակոչէն (Intruse) : Ի՞նչ կը յայտնեն խօսակցութեան ձեւը ունեցող այս պատմուածքները, երաղանքի զարդանկարով մը շրջանակուած, աւանդավիպային և ընտանի գէմքերէ մրմնջուած . — սարսափը զարդանիքին, սարսուոր անձանոթին, նախազգացումը ցաւին, դժբաղդութեան, անխուսափելի սուգին . անսացատրելի մտահոգութիւնը ամենօրեայ ողբերգութեան, շփոթ արտայացութիւնները ենթազիտակիցին (Inconscient) : 1896ին Խոնարհներու Գանձը շըրջան մը կը ներկայացնէ : Մեղերլինք կը շահագրգուուի հոգեւոր կեանքով, կը հարցափորձէ եկեղեցւոյ Հայութերը : Իմաստորին եւ ձակասագիրին մէջ կը հեղուիր հայեցողութիւններու արդիւնքը : Կը հիանայ Մարկոս Աւրելիոսի վրայ, և կը գիտակցի այն աղղեցութեան զոր կամքի զաստիարակութիւնը կը գործէ բարոյական կեանքի զարդացման վրայ . կը գովէ գեղեցկութիւնն և արդիւնքը ամենօրեայ, մեթուտաւոր ձիգին, որոնք իմաստունին գործնական առաքինութիւններն են : Այն ատեն յստակ բանաձեւով մը երես ան կ'ելլէ երջանկութեան մասին իր տեսութիւնը :

Երջանիկ ըլլալ՝ հոգ չընելն է երջանիկ ըլլալու կամ չըլլալու մասին . զիտանալն է գոհանաւալ իր ձեռք բերած քիչէն՝ այդ յաջողութեան ընծայելով իր բոլոր արժէքը . կեանքին համակերպիլն է, և ինչպէս Անդլիացիները կ'ըսեն, «ընդունիլն է խաղին պայմանները» . . . Վերջապէս միջատներու և բոյսերու ուսումնասիրութիւնը կը տանի Մեղերլինքը իր մեկնակետին, իր սկզբնական մտածումներուն . կը խորհի թէ մարդը բացառիկ բաղդ մը չի վայելեր, և թէ ձեռք բերուած զարդացումը աւելի՛ բացայացա կը դարձնէ իր տկարութիւնը, և աւելի խորունկ՝ իր անստուգութիւնը անհունին առջեւ : Այս խաւարը փարատել փորձելու համար իմացականութիւնը չի բաւեր, անհրաժեշտ է յայտնատեսութիւնը : «Մենք ունինք, կ'ըսէ, յատկութիւն մը՝ հիանալի կերպով պատշաճնեցուած տիեզերքի անծանօթ մասերուն . ատիկա երեւակայութիւնն է, և մեր բանականութեան խորհրդաւոր գագաթը» : Այսպէս, Մեղերլինքի միստիքականութիւնը գիտական հետազոտութենէն առաջ չանցնիր, այլ անոր արդիւնքն է, անոր պակը . կ'ամբողջացնէ երէկուան զիտութիւնը, և կը պատրաստէ վաղուանը : Այսպէս, Կապոյս Թուչունին հեղինակը կը յայտնուի իրեւ պահապանը աշխարհի հին գաղտնիքներուն : Այս զաղափարներուն մեծ մասը կը ցոլանան Մարիամ Մագդաղենացին մէջ» :

Ֆրանսացի ծանօթ քննադատին այս տողերը ամսափոփ գաղափար մը կուտան Մ . Մեղերլինքի գործերուն վրայ : Իսկ մասնաւորապէս Մարիամ Մագդաղենացին նկատմամբ դրեթէ բոլոր քննադատներ անվերապահ գնահատում միայն ունին :

Հատորիկիս վերջին էջերուն մէջ կուտանք մէկ քանի շահեկան քաղուածներ այդ գնահատականներէն :

ՄՈՐԻՍ ՄԵԴԵՐԼԻՆՔ

ՄԱՐԻԱՄ ՄԱԳԻԱՂԵՆԱՑԻ

Թատրախաղ երեք արարուած

«ԱՆՁԻՆՔ»

ՀՈՒԿԻՈՍ ՎԵՐՈՍ,	զինուո-	ՆԻԿՈՂԻՄՈՍ
բական հրամատար		ՄԱՐԻԱՄ ՄԱԳԻԱՂԵՆԱՑԻ
ԱՆՆԵՈՍ ՍԻԼՍՆՈՍ		ՄԱՐԹԱ.
ԱՊՊԻՈՍ		ՄԱՐԻԱՄ
ԿՈԵԼԻՈՍ		ՄԱՐԻԱՄ ԿՂԵՈՊԱՍ
ԴԱԶԱՐՈՍ		ՄԱՐԻԱՄ ՍՈՂՈՎԱՀ
ՅՈՎԱՆԻ Ա.ՐԵՄԱԹԻԱՑԻ		ԲԱՐՏԻՄԵՈՍ

Կոյրեր, հաւմանգամներ, հիւանդներ, բափառաջլիկներ,  
հրաւագործեալներ, ուրիշ սուրբ կիներ,  
մուրացիկներ, հանրակիներ, եւն.:

Ա. և Բ. արարուածները Աերանիոյ մէջ, իսկ

Գ. արարուածք Երուսաղեմի մէջ:

## ՄԱՐԻԱՄ ՄԱԴԴԱԳԵՆԱՑԻ

## ԹԱՏԵՐԱԽԱՂ ԵՐԵՔ ԱՐԱՐՈՒԱԾ

Ա. ԱՐԱՐՈՒՅՆ


Բեթանիա, Անսեռու Սիլանոսի պարտէզներուն մէջ, Հոռմական դարաւատափ: Մարմարեայ նստարաններ, սիւնազարդ անդաստակ, արձաններ: Մէջտեղը աւազան՝ ցայտուն ջուրով: Կանաչազարդ պուրակներ: Քարէ անօթներու մէջ նարնջենիներ եւ դափնիներ: Աշ եւ ձախ կողմէրը՝ հովիտին վրայ նայող վանդակապատճեր, խորը վանդակապատ մը՝ մէջտեղը բացուած, անցք տալու համը արձաններով եղերուած սօսիներու ծառութի մը, որ կ'երթայ կը յանգի պարտէզը փակող դափնիի խիթ ցանկապատի մի:

## ՏԵՍԱՐԱՆ Ա.ՌԱԶԻԿԻ

Կը մտնեն ԱՆՆԵՈՍ, ՍԻԼԱՆՈՍ եւ ՀՈՒԿԻՈՍ ՎԵՐՈՍ

Սիլանոս. — Ահաւասիկ փառքը իմ պղտիկ ստացւածքիս. ահա՝ իմ դարատափսու, որ կը յիշեցնէ Պրենեստի մէջ ունեցածս, և որ լրումն եղած էր իմ բաղձանքիերուս. ահա՝ իմ նարնջենիներս, նոծիներս և դափնեվարդերս։ Ահա՝ ձկնաւազանս, և անդաստակը չքեղող՝ աստուածներու. նկարներով, որոնց մէջ՝ սա Աթենասու՝ որ Անտիոքի մէջ գտնուած է։ (Ցուցնելով ձախ կողմի բնանկարը)։ Եւ այս կողմը՝ անհնման տեսարանը հովհարին, ուր կը տիրէ արդէն դարունը, Անջրպետին մէջ կախուած ենք կարծես։ Հիանալի են Բեթանիոյ զառիվայրին երկայնքը սփռուած հարսնուկները. կարծես երկիրը բոցերու մէջ է ձիթենիներու ստորոտը։ Այսեղ խաղաղօրէն կ'ըմբռչնեմ ու ուսւելութիւնները ծերութեան, որ գիտէ ուրախանալ անցեալ օրերով, որովհետեւ երիտասարդութիւնը խիստ սահմանափակ կ'ըմբռնէ աշխարհի վայելքը, ներկային մէջ ամփոփուելով։

Վերսու. — Վերջապէ՞ս, ահաւասիկ ծառեր, ջուր,  
կանաչութիւն... ասոնց յիշատակը կորսնցուցեր էի՝  
յորմէ հետէ եկած եմ այս ապատաժուտ անապատը



որ Հրէաստան կը կոչուի : Բայց ի՞նչպէս կ'ըլլայ , իմ բարի ուսուցիչս , որ եկեր հաստատուեր էք այս ան- ջրդի և տրտում քաղաքին մօտ , ուր երկիրը սոսկա- լի է , ուր մարդիկ տգեղ են , կռուասէր ու չարագործ , աղտոտ ու բարբարոս :

Սիլանոս .— Ի՞նչպէս զիտես , ես կեսարիոյ մէջ հետեւեցայ զատաւոր Վալերիոս Կրատոսի ; յետոյ Հռոմ դարձայ , ուր ժամանակ մը իմ հաւատարիմ և նախընտ- րած աշակերտոս եղար : Բայց շատ չանցած ամօթ զգա- ցի ուսուցանելէ իմաստութիւն մը , որուն ստուգու- թիւնը այնքան աւելի կասկածելի կը թուէր ինձ , որքան աւելի վստահութեամբ կը հաստատէի զայն : Այս բարբարոս Հրէաստանը եկայ տարօրինակ և հետաքրքրական պարուգաներու ըերմամբ : Իմ առա- ջին բնակութեանս միջոցին , սկսած էի ուսումնասի- րել Հրեաներու նուիրական Գիրքերը . անկերպարան և արիւնոտ են անոնք , բայց կը գտնուին նաև զե- ղեցիկ առակներ , և կանխահաս ճիգերը վայրագ բայց մերթ եղական իմաստութեան մը : Այդ զիրքերը տա- կաւին չեն դադրած իմ ուշագրութիւնս զրաւելէ :

Վերոս .— Յիրաւի , մեր բարեկամը՝ Ապպիոս , զոր Անտիոքի մէջ տեսայ , խօսած էր ինձ հրէական հին Գիրքերու մասին ձեր ուսումնասիրութեանց և յանկարծական և տարապայման շահագրգութեան նկատմամբ :

Սիլանոս .— Ան ալ կուգայ շատ չանցած ...

Վերոս .— Ո՞վ ... Ապպիոս ... Երուասղէմ կը գտնուի ուրեմն :

Սիլանոս .— Զգիտէի՞ր ... Բայց դուն ալ քանի՞ օրէ ի վեր այս երկիրը կը գտնուիս . նախընթաց օր- ւան նամակիդ մէջ ակնարկութիւն չէիր ըրած ...

Վերոս .— Իբր շաբաթէ մը ի վեր հոս եմ . և

ուղեցի ձեղի նուիրել իմ պարապոյ առաջին ժամս : Անտիոքէն եկայ Երուասղէմ , ընկերակցելու համար զատաւոր Պիղատոս Պոնտոցիին , որ շփոթութիւննե- րու երկիւղն ունի . հաւանաբար պէտք պիտի ունենայ իմ լիդէոնականներուս :

Սիլանոս .— Լայնախոն և լայնամիտ Ապպիոս , որուն խօսքերը՝ իր սովորութիւններուն նման ուս- տոստուն՝ կը միացնէն ամէնէն հեռաւոր բարեկամնե- րը , քու մասին խօսած էր ինձի , ինչպէս իմ մասիս խօսած էր քեզի : Ինձի իմացուցած էր թէ երբ Ան- տիոքի մէջ բախան ունեցաւ քեզի հանդիպելու , մեծ , դժբախտ սիրոյ մը ենթարկուած կը թուէիր :

Վերոս .— Ո՞րո՞ւ ...

Սիլանոս .— Զինուորական հրամանատարներու ա- մէնէն զեղեցիկը , իր շքեղանքին մէջ , ի՞նչպէս կըր- նայ ունենալ մէկէ աւելի սէր մը որ երջանիկ չըլլայ ... այս զաւառներէն կնոջ մը վրայ էր ինդիրը , գալի- լիացի կին մը , եթէ չեմ սխալիր ... :

Վերոս .— Մարիամ Մագդաղենացի՞ ... Ապպիոս անո՞ր մասին խօսեցաւ ձեզի ... ո՞ւր է այդ կինը , ա՛լ չտեսայ զինքը , յանկարծ մեկնեցաւ Անտիոքէն , և ես կորսնցուցի անոր հետքը ... :

Սիլանոս .— Բայց ինչո՞ւ անողոք գտնուեցաւ քե- զի հանդէպ ... Ապպիոս ինձ կը հաւաստէր թէ այդ կինը թէև կ'արհամարհէ այս երկրին մարդիկը , բայց դժուարահաճ չէ հսումայեցի ասպետներու :

Վերոս .— Ատիկա մէկն է կնոջային առեղծուած- ներուն , զորս լուծելու ժամտնակ չեն ձեր մեր զին- ուորի պարտականութիւնները : Այդ կինը զիս ատել չէր թուիր , կամ զոնէ այն ատելութիւնը զոր ինձ ցուցնել կը կեղծէր , կծու քաղցրութիւն մը ունէր ... բայց անոր կը խառնուէր տեսակ մը անհասկնալի վախ ,

որ պատճառ կ'ըլլար իմ ներկայութենէս խուսափեալու...: Կը թուի թէ քիչ ժամանակ առաջ մեծ վիշտ մը ունեցած է, որմէ սակայն մէկէ աւելի անդամներ միմիթարուած ըլլալու է, ինչպէս հաւաստեցին ինծի:

**Սիլանոս.** — Զդիտեմ. բայց այս ամէնը վհատեցուածիչ չեն թուիր ինծի: Եւ սակայն, ինչո՞ւ վիշտի առիթներ փնտոել այն բանին մէջ զոր աստուածները ստեղծած են հաճոյքի համար...: Ապակոս կը փափաքէր որ իմաստուն խորհուրդներովս օդնեմ քեզի, բժկուելու հիւանդութենէ մը որ կը վտանդէ քեզ անհարկի կերպով: Բայց ըսէ նախ և առաջ թէ զայն կը սիրե՞ս այն աստիճան որբան կը հաւաստէր Ապակոս, որուն խօսքերը յաճախ չափազանցուած են և անխորհուրդ:

**Վերոս.** — Ես տենչացի այդ կնոջ, և կը տենչամ տակաւին, ինչպէս երբեք չեմ տենչացած ո և է կնոջ:

**Սիլանոս.** — Իմաստուն կերպով կը խօսիս, առաջին ժամէն իսկ չբաժնելով սէրը տենչանքէն: Եւ արդէն... կը հասկնամ: Ճիշտ է որ այդ կինը շատ աւելի գեղեցիկ է քան բազմաթիւ կիներ, որոնց վրայ հիացած եմ կեանքիս մէջ:

**Վերոս.** — Ինչպէս, տեսաք զայն, երուսաղէմ կը դանուի ուրեմն:

**Սիլանոս.** — Նոյն իսկ աւելի մօտ է մեզի քան երուսաղէմ, որ Թեթանիայէն 15 սղատիոն (\*) հեռու կը դանուի, (քիչ մը դէպի աջակողմը տանելով զայն) մօտեցիր այս անդաստակին և նայէ՛ հեռուն, հովտին խորը... ի՞նչ կը տեսնես...:

**Վերոս.** — Կը տեսնեմ ձիթենիներ, ճամբաներ, դերեզմաններ... յետոյ պալատի կամ տաճարի ճա-

կատներ, սիւներ, նոծիներ... կարծես Հռոմի ըրածականերն ենք... բայց չեմ հասկնար թէ...:

**Սիլանոս.** — Մեծն Հերովդէս՝ տեսակ մը կատաղի յիմար, բայց շինարար՝ այս հովիտը զարդարեց շքեղ չէնքերով, որոնք աւելի հոռմէական են քան նոյն իսկ Հռոմի չէնքերը... բայց դիտէ՝ սա կողմը, երեք մեծ նոծիներուն ծախը, տսկէ չորս սղատիոն հեռու: Կը տեսնեմ մարմարինէ ամենագեղեցիկ վիլա մը:

**Վերոս.** — Այն, որ կը գտնուի յառաջակողմը ձերմակ լայն սանդղաստիճաններուն, որոնք կ'առաջնորդեն դէպի կիսաշրջանակ սիւնաշարքը, ուր արձաններ կը բարձրանան:

**Սիլանոս.** — Ահա՝ այդտեղ քաշուած է ան:

**Վերոս.** — Մարիամ Մագդաղենացի<sup>9</sup>. այս առանձնութեան մէջ, քաղաքէն այնքան հեռու...:

**Սիլանոս.** — Ինծի ըստաւ թէ կը փախչի հրէական մոլեռանդութենէն, աղմուկէն և գարշահոտութիւններէն, որ կը կրկնապատկուին երուսաղէմի մէջ, Պատսեքի տօնը մօտենալուն...:

**Վերոս.** — Ուրիմն կը տեսնէ՞ք զայն... խօսա՞ծ էք հետը:

**Սիլանոս.** — Թարին Ապակոս գիտնալով որ երիտասարդ և գեղեցիկ կնոջ մը տեսքը կը հրճուեցնէ նայուածքս՝ առանց վտանգի ենթարկելու, համոզեց զայն որ այցելէ բնակարանը զինաթափ և անվաս ծերունիի մը:

**Վերոս.** — Ի՞նչ ըստաւ ան ձեզի... ի՞նչ տպաւութիւն գործեց ձեր վրայ:

**Սիլանոս.** — Հագած էր ըրջազգեստ մը, որ մարդարիաններով և վարդերով հիւսուած կը թուէր, կրկնոց մը՝ Տիւրոսի ծիրանիով և շափիւզայի նոնագնտիկներով, և զարդարուած էր գոհարեղիններով,

(\*) Մէկ սղատիոն՝ իբր 180 մեղր:

դորս կը ծանրաբեռնէք քիչ մը՝ արեւելեան պերճանաւքը։ Դալով մազերուն, եթէ քակուած ըլլային, ոսկիի անթափանց քօղով մը պիտի ծածկէին թերեւս այս պորփիւրէ աւազանին մակերեսը։

Վերոս։ — Ես այդ կնոջ իմացականութեա՞ն, նկարագրին վրայ կը խօսիմ... մի՛ խարուիք, հասարակ պերճաղին մը չէ ան... ուրի՛շ հրապոյրներ ունի, որ սէրը կ'ամրապնդեն։

Սիլանոս։ — Ես ուշադիր եղայ անոր գեղեցիութեան միայն, որ իրական է և գոհացում կուտայ աչքերուն... Արդէն քիչ վերջը պիտի կրնանք անոր մասին լաւագոյն դատաստան մը ընել. շատ չուշանար կուդայ։

Վերոս։ — Հո՞ս պիտի դայ... բայց գիտէ՞ որ ես հոս պիտի դանուիմ։

Սիլանոս։ — Ապահովաբար։ Ինձ այնպէս թուեցաւ թէ այս հանդիպումը աւելի օգտակար պիտի ըլլայ քու ցաւդ ամոքելու, քան այն իմաստուն խորհուրդները, որոնց կը փափաքէք Ապակիս։

Վերոս։ — Բայց ի՞նք... ի՞նք ի՞նչ ըստ երբ իմացաւ որ...։

Սիլանոս։ — Ժպտեցաւ սարսուն և խոհուն շնորհալիութեամբ մը...։ Միւս հրաւիրեալներն են մեր անհրաժեշտ Ապակիսը, և Պրենեստի քու աշակերտակից՝ Կոելիոս։ Կը յուսամ որ միասին կը բերեն մեր դժբախտ բարեկամ Լոնկինոսը, որ երեք շաբաթ առաջ կորսնցուց երկու տարեկան աղջնակ մը։ Պիտի փորձեմ զայն մխիթարել՝ բարի և համոզիկ պատճառաբանութիւններով՝ վիշտէ մը, որ ճիշդը ըսելով շատ աւելի մեծ է քան իր ենթարկուած կորուսը։ Ուրիշ կերակուրներէ զատ, որ կը յուսամ թէ ընտիր պիտի ըլլան, պիտի ունենանք Յորդանանի երկու

ձուկեր որոնցմէ չես ճաշակած, և որոնք իմ վաղեմի խոհարարիս՝ Դավոսի կողմէ պատրաստուելով... Բայց կը լսեմ կրկնակ սրինդի ձայնը... Բեթանիոյ և Երուսաղէմի թագուհին պատգարակն ըլլալու է որ կանգ կ'առնէ իմ տանս սեմին առջեւ։ Քու աչքերդ պիտի գտնեն վերստին այն քաղցր լոյսը զոր կը փնտուին, և իմ աչքերս՝ այն ժպիտը որ հաճելի է անոնց, եթէ սակայն ներքին անդաստակին արծաթ հայելիները պէտք եղածէն աւելի երկար չյապաղեցնեն զինքը։

Վերոս։ — Հո՞ն է ան։

(Եզ կողմէն կը մտնէ Մարիամ Մագդաղենացի։ Քանի մը գերուհիներ կը հետեւին անոր, որոնց չոր եւ հրամայական շարժումով մը կը պատուիրէ թաշուիլ )

## ՏԵՍԱՐԱՆ ԵՐԿՐՈՐԴ

Նոյնք եւ ՄԱՐԻԱՄ ՄԱԳԴԱՂԵՆԱՑԻ

Սիլանոս, (դիմաւորելով Մարիամ Մագդաղենացին)։ «Ո՞վ է ան որ անապատէն կուգայ «Ծուխի սիւնի մը պէս, «Բուրելով զմուռս և կնդրուկ։

«Ո՞վ է ան որ կ'երեւայ արշալոյսի մը պէս, «Լուսինէն աւելի զեղեցիկ, արեւէն աւելի՛ պայծառ, «Բայց հզօր՝ ուազմիկներու բանակէ մը աւելի։»

Ինչպէս կ'երգեն ձեր նուիրական Գիրքերը, Սուլամիդի (\* ) մօտենալու պահուն։

(\*) Սուլամիդ, Սոլոհնի երդ երգոցին մէջ յիշուած է (Զ. 13 կամ է 1)։ Ս Գրոց նախնեաց թարգմանութեան մէջ, Ողողամացիս կամ «Սոլոհն», իսկ աշխ. թարգմանութեան մէջ «Սոլոհն ասցի», կոչու մով։ Կը նշ սնանէ խաղաղապահը։ Եքրայեցերէնի մէջ հզականն է «Սոլոհն»ի երգ երգոյն մէջ այսաքանական անունն է հարսին, ու փեսային տրուած է Սոլոհն անունը, որ նոյնպէս կը նշանակէ խաղաղապահ։

Մարիամ Մագդաղենացի. — Մի՛ խօսիք ինծի իմ նուիրական գիրքերուս վրայ. ես կ'ատեմ, կ'արհա մարհեմ զանոնք, և ամէն ինչ որ կուգայ այդ կեղծաւոր, աղտոտ, աղահ և չարագործ ժողովուրդէն:

Վերոս, (ինձ եւս յառաջանալով զայն բարեւելու համար). — Պիտի ըսեմ ուրեմն Հոռմայեցիներու ձեւով. — «Ողջոյն Ակլայիայի երէց աղջկան, Խարիթեանց ամէնէն մանկամարդին և ամէնէն երջանիկին...»:

Մարիամ Մագդաղենացի. — Կարեկցեցէք ինծի, փոխանակ ներբողելու: Այս գիշեր գողցեր են իմ ամէնէն գեղեցիկ տասներկու մարդարիտներս, Կարքեղոնի յակինթներս, Բաբելոնի սիրամարդներս, և իմ ձկնաւաղանիս բոլոր փողոշներն և ուրիշ թանկագին ձուկերը: Բայց աւելի գէշը ըրեր են. գուն տեսար, Սիլանո՛ս, իմ ունեցած երկու հիանալի ծաղկանօթներս՝ բիւրեղէ և ակատէ շինուած, լեցուն հնդկական նարդոսով, այնքան թանկագին, զոր կը պահէի այն օրուան, — և այդ օրը պիտի գայ վերջապէս — երբ իմ մարմինս պիտի պատեն յուղարկաւորական պատասներով...

Սիլանոս. — Կը յիշեմ, այո՛. անբաղդատելիօրէն գեղեցիկ էին անոնք... կարծեմ թէ փիւնիկեան աշխատութիւն մըն էին, Սողոմոնի օրերէն մնացած: Ատոնց չափ գեղեցիկը տեսած չէի: Բայց կարելի չէ որ յա՞դգնութիւնը առաջ տարած ըլլան ձեռք վերցնելու չափ այդ գանձին վրայ, որուն առջեւ. Կեսարիսկ պիտի խոնարհէր:

Մարիամ Մագդաղենացի. — Ատոնցմէ մէկը միայն վերուցեր են, և չգիտեմ ինչո՛ւ, ձեսք չեն դպցուցեր միւսին, զոր անաղարտ թողուցեր են իր արծաթէ պատուանդանին վրայ, ներքին անդաստակին խորը... կարծես, վերջին վայրկենին, թաքուն

վախ մը, խղճահարութիւն մը եկած վրդոված է զիս րենք...

Վերոս. — Գիտէին թէ սրբապղծութիւն մը կը զործեն... բայց ոեւէ նշան չկայ... կասկած մը չունիք...

Մարիամ Մագդաղենացի. — Զգիտեմ... գաւազանի հարուածներով ծեծել տուի և խոշտանդեցի թոչնարանիս և ձկնաւաղանիս պահպանութեան հոգը ունեցող գերիները... բան մը չխոստովանեցան, և կարծեմ թէ բա՛ն մը չեն զիտեր:

Սիլանոս. — Գողութեան այս դէպքը շատ զարմանալի է, որովհետև երկիրը ապահով է...: Վեց տարի է որ հոս հասատուած եմ, և ոչ ոք համարձակած է մասնիկ մը անգամ գողնալ իմ խմատութեանէս, որ կզպանքի տակ չէ բնաւ, և իմ ունեցած միակ թանկագին բանն է...: Հրեան ծածկամիտ է, խորամանկ և չարակամ. նենգութիւն և վաշխառութիւն կ'ընէ, և տէր է սողացող մոլութեանց և առաքինութեանց, բայց գրեթէ միշտ կը խուսափի համարձակ և կանոնաւոր գողութեանէ, պարկեշտ գողութեանէ՝ եթէ կարելի է այսպէս ըսել:

Մարիամ Մագդաղենացի. — Նախ կասկած ունեցայ Տիւրոսի գործաւորներուն վրայ, որոնք այս միշտցին իմ վիլայիս սրահներուն շուրջը կը յարդարեն շարժուն որմագրուագներ, որոնք կը փոխուին իւրաքանչիւր սպասարկութեան միշտցին, այնպէս որ՝ պատերը ներդաշնակ ըլլան այն կերակուրներուն հետ, որոնք կը հրամցուին սեղանին վրայ:

Վերոս. — Ատոր նմանը տեսայ Անտիսքի մէջ, մեր կուսակալ Պոմպոնիոս Ֆլակկոսի տունը. բայց երբէք չգիտէի թէ այս նորութիւնը, որ զեռ վերջերս երեւցաւ Հոռմի մէջ իսկ, արգէն մտած է անապատին խորը կորսուած այս երկրին մէջ:

Մարիամ Մագդաղենացի. — Արդէն միայն իմ տանս մէջ պիտի տեսնէք զայն։ Անդիպաս չորրորս դավիտին վերջին ապարանքն ալ զուրկ է անկէ . . . Նախ կասկածներ ունեցայ, ուրեմն, այդ զործաւոր ներուն վրայ, բայց ապացոյցներ ունիմ թէ անմեղ են անոնք։ Վստան եմ հիմայ թէ գողերը պէտք է փընտըռել այն թափառաշրջիկներու խումբին մէջ, որ ժամանակէ մը ի վեր կը վիստան երկրին մէջ . . .

Սիլանոս. — Նազովրեցիին արդէն համբաւաւոր լումբը . . .

Մարիամ Մագդաղենացի. — Այո՛, ճիշդ այն, ինչ ծի ըսին թէ իրենց պետք աղտոտ աւազակ մըն է, որ ամբոխը կը հրապուրէ կոշտ և գոենիկ մոգութեամբ մը, և չգիտեմ ի՞նչ տեսակ նոր վարդապետութիւն մը կամ հաւատք մը քարոզելու պատրուակին տակ, կողոպուտով միայն կ'ապրի, և շրջապատուած է ամէն բան ընելու կարող մարդոցմէ . . . Ուրիշ տեսակէտով ալ անկէ գժգոհելու պատճառներ ունիմ . . . Նախընթաց օր, երբ պարտէզներուս մէջ կը շրջադաշտէի, նոյն պարտէզները պողոտայէն անջատող անդաստակին սիւներուն տակ, այդ խումբին պատկանող տասներկուքի չափ թշուառականներ վատօրէն թշնամանեցին զիս և քարկոծել սպանացին . . . Անհանդուրժելի կը դառնայ այս, պէտք է երկիրը մաքրել ատոնցմէ։

Վերոս. — Ինծի՛ ալ խօսուեցաւ այդ մարդոց վրայ . . . կուսակալը կը զբաղի այդ խնդրով . . . Աւելի՛ մօտէն հսկողութիւն կատարել պիտի տամ։ Եթէ կը վափաքիք, դիւրին է ինձ՝ ձերբակալել անոնց պետ։

Մարիամ Մագդաղենացի. — Շա՛տ կ'աղաչեմ . . . և հնար եղածին չափ շուտով . . . չափաղանց երախտապարտ պիտի մնամ ձեզի։

Սիլանոս. — Կարծեմ սխալ ուղղութեան կը հե-

տեւիք։ Բառ իս, գողերը այդ կողմը չեն գտնուիր։ Այդ խումբը ճանչնալու համար բաւական լաւ զիրքի մէջ կը դժուարիմ, քանի որ հինգ վեց օրէ ի վեր ան կը գործէ իմ տունէս քանի մը քայլ անդին։ Նոյն իսկ հաճոյքը ունեցայ, — որովհետեւ իմ տարիքիս մէջ ամէն բան հաճոյքի կը փոխուի —, այո՛, հաճոյքը ունեցայ ներկայ գտնուելու անոնց մէկ հաւաքոյթին։ Երիքովի պողոտային մօտն էր։ Պետը կը խօսէր ցնցուաիները հագած և փոշեթաթախ ամբոխի մը մէջտեղ, որուն մէջ կը նշմարուէին զգուելի հաշմանդամներ և հիւանդներ։ Մայր աստիճան տպէտ և յափշտակուած կը թուէին։ Ասոնք խեղճ և աղտոտ են, բայց անվես և անկարող կը թուէին ինձ՝ գաւաթ մը ջուրէ կամ ցորենի հասկէ մը ուրիշ բան գողնալու . . . Անշյագորէն մտիկ կ'ընէին միամիտ առակ մը, պատմութիւնը անառակ որդիի մը, որ հօրը տունը կը դառնայ՝ իրեն ինկած ժառանգութիւնը մսինելէ ետքը . . . Պատմութեան վերջը չիմացայ, որովհետեւ կասկածանքով կը նայէին ինծի . . . Բայց Գալիփիացին կամ Նսղովրեցին, ինչպէս կը կոչեն զինքը այստեղ, բաւական շահագրգուական է, և իր ձայնը սրտի դպչող մասնաւոր քաղցրութիւն մը ունի . . . Կ'երեւայ թէ հիւսնի մը զաւակն է . . . Յառաջիկային կը խօսիմ ձեզի . իրեն մասին շահագրգուական ուրիշ մանրամասնութիւններ դիտեմ։ բայց թոյլ տուէք որ երթամտանը միւս կողմը, որ պողոտային վրայ կը նայի, տեսնելու թէ ո՛ւր մնացին յապաղած հրաւիրեալներս։ (Աջ կողմէն դուրս կ'ելլէ)։

◆◆◆  
ՏԵՍԱՐԱՆ ԵՐՐՈՐԴ  
ՄԱՐԻԱՄ ՄԱԳԴԱԼԵՆԱՅԻ, ՎԵՐՈՍ

Վերոս. — Զէի ակնկալեր բնաւ ձեր չնորհալի

տեսութիւնը վայելելու հաճոյքն ունենալ, այն անողոք խօսքերէն ետքը, որ անհետացուցած էին իմ մէջս մինչեւ իսկ յոյսի նշոյլ մը, որ երբեմն կը թոյլատրուի ունենալ յուսահատութեան ենթարկուողներուն . . . .

Մարիամ Մագդալենացի.— Ապուշ և յիմար էի. բայց հիմա խելքս գլուխս եկած է, և զիտեմ թէ լաւագոյն սէրը արցունք մը չարժեր:

Վերոս.— Մանաւանդ որ լաւագոյն և նոյնիսկ լաւ սէր մը չէ այն որ արցունք թափել կուտայ . . . .

Մարիամ Մագդալենացի.— Ինծի համար ա'լ չկայ լաւ կամ գէշ սէր: Մինչեւ հիմայ ապրեցայ սուտերու մէջ, որոնցմէ օգտուեցան ուրիշներ: Վեց ամիսէ ի վեր կ'ապրիմ ճշմարտութիւններու մէջ, որոնցմէ օգուտ կը քաղեմ . . . .

Վերոս.— Ի՞նչ ըսել կ'ուղէք:

Մարիամ Մագդալենացի.— . . . թէ ինքզինքս աւելի ճարպիկ կերպով և աւելի սուլ կը ծախեմ:

Վերոս.— Մագդալենէ . . . . ինքզինքնիդ կը զրպարտէք:

Մարիամ Մագդալենացի.— Եթէ ձեր տարսանքը փորձ մը ընել ուզէր, պիտի տեսնէիք ընդհակառակն թէ ինքզինքս շատ բարձր կը դնահատեմ:

Վերոս.— Դուք ինքզինքնիդ միշտ նուազ բարձր կը դնահատէք քան թէ ես: Դուք չպիտի յաջողիք բնաւ ինքզինքնիդ ալարտել իմ աչքիս, և ձեր ըսածներուն մէջ ուրիշ բան չեմ տեսներ, եթէ ոչ իրաւացի ըմբոսացում խորապէս վիրաւորուած հողիի մը, որ կը պրկուի ցաւին դէմ:

Մարիամ Մագդալենացի.— Կը սխալի՛ք. պըրկուող հոգի մը չէ իմինս, այլ ինքզինքը զտնող հոգի մը:

Վերոս.— Զեմ հաւատար: Եւ արդէն, լաւագոյն

կը համարիմ պարտական մնալ ձեղ համար քէնի կամ ատելութեան, քան թէ ձեզ կորսնցնել ամէնէն ազնիւդատի մը համար. և որովհետեւ խնդիրը ձեզ բարձրօրէն գնահատելու վրայ կը զառնայ, այս վայրկեանէս սկսեալ ինձ կը պատկանիք Մաղդալենէ՛, գիտցէ՛ք սսիկա:

Մարիամ Մագդալենացի.— Կարելի է . . . բայց ահա՛ մեր հիւրընկալը կուգայ: Առ այժմ իրարու ըսեմիք ուրիշ բան մը չունինք:

(Աջակողմէն կը մտնեն Սիլանոս, Ապահու, Կոնլիոս )

### ՏԵՍԱՐԱՆ ԶՈՐՅՈՒԹԻՒՆ

Նոյնք, Սիլանոյ, ԱՊՊԻՈՍ, ԿՈՆԼԻՈՍ

Ապահու, (դէպի Մարիամ Մագդալենացին յառաջանալավ) . . .

«Աստղիկ մեկնած է Կիպրոսէն

«Ու կը թեւածէ Երուսաղէմի վրայ . . . .»

Կամ, լաւ եւս, գեղեցիկ Տիկմեսան է որ արդէն ժպիտը կը. բերէ Տելամոնի զաւկին շրթունքին վրայ: . . . Հիացէք, ուրեմն, ո'վ Կոնլիոս, սքանչելի պատկերին վրայ զոր այս անդաստակին տակ կը պարզեն Սէրը և Գեղեցկութիւնը . . . .

Կոնլիոս.— Մարդ կը փորձուի ըսել թէ երկնակապոյտը տարածուած է անոնց վրայ, այս երկուսիւներուն մէջտեղ:

Սիլանոս.— Կասրցտը և լոյսը գեղեցիկ կ'երեւան այն ատեն միայն, երբ կը շրջապատեն երիտասարդութիւնն ու սէրը . . . . Դառնալով նուազ փայլուն պատկերներու, որ կը պատշաճին տարիներով բեռնաւորուած իմ գլխուս, կը զիտեմ թէ տեսակ մը նաև խազզացութեամբ էր որ վայրկեան մը առաջ կը մըզ-

Աէինք խօսելու Նազովրեցիին խումբին վրայ, որովհետեւ ձիւդ այդ խումբն է որ կը յապաղեցնէր մեր հիւրերը:

Ապահոս.— Երեւակայեցէք որ հեռուն, վերջին քառուղիին մօտենալու պահուն, երկիրը յուզման մատնուած գտանք, և ճամբան խճողուած՝ պոռչացող և գեռուն ամբոխով մը որ կը փութար մօտենալ կոյրի մը որ կը տեսնէր....

Վերու.— Յիւրաւի, այսպիսի երեւոյթ մը Հրէաստանի մէջ միայն կը տեսնուի:

Կոնլիոս.— Շատ տարօրինակ էր... Խեղճ մարդը, հին պատի մը տակ կզկտած, իր վճիռ աչքերը գինովի պէս այս ու այն կողմը յառելով կը պոռար.— «Մարգարէ՛ մըն է, մարգարէ՛ մըն է ան, կը տեսնում մարգիկը որ կը պտտին ծառերու պէս»: Եւ ամբոխը իր շուրջը ոտքերը գետին կը զարնէր: Խակ ինք զգետնուած կը թուէր լոյսէն....

Ապահոս.— Լաւ ևս՝ դինիէն, որովհետեւ յայտնապէս կը դեղեւէր:

Վերու.— Խակ Նազովրեցին, տեսա՞ք Նազովրեցին...

Ապահոս.— Ո՞չ, դեռ նոր հեռացիր էր, իրեն հետ տանելով ամբոխին ամէնէն աղմկայարոյց մասը, ապա թէ ոչ չպիտի կրնայինք անցնիլ...

Մարիամ Մագդաղենացի.— Այնպէս կը թուէր որ եթէ աւազակները խմբուին իրենց պետին շուրջը, անհանդիստ չպիտի ուղէին ըլլալ՝ նոյնիսկ կեսարի ճամբայ տալու համար:

Կոնլիոս.— Ո՞ւր գայած է... հետաքրքիր էի դինքը տեսնելու...

Սիլանոս.— Շատ հեռուն ըլլալու չէ... Տեսէ՛ք, հեռուն, պարտէզին խորը, գալինի ցանկապատը, որ իմ ստացուածքս կ'անջատէ դրացիիս՝ Սիմոն Բորոտի մրգաստանէն....

Մարիամ Մագդաղենացի, (ընդուս վեր ցատկելով).— Ի՞նչպէս, ձեր ամէնէն մօտիկ դրացին բորո՞տէ... Պէտք է ըսէիք մեղի....

Սիլանոս.— Ապահովուեցէ՛ք, տիկին, ա'լ հիմայ բորոտ չէ:

Ապահոս.— Կը կարծէի որ մարդ ամբողջ կեանաքին մէջ բորոտ կը մնայ, ինչպէս կը մնայ անդամալոյծ կամ կուզ... Սյս ալ տարօրինակ Հրէաստանի աշնակնկալներէն մէկն է:

Սիլանոս.— Նազովրեցին բժշկած է դայն:

Կոնլիոս.— Իրապէս բժշկուած է. անոր ամէնէն մօտիկ ըլլալով, գիտնալու էք Ճմարտութիւնը:

Սիլանոս.— Գիտեմ թէ գէմքով այնքան մաքուր է որքան Մագդաղինէի վարդը և Բեթանիոյ շուշանը որ աւասիկ, բայց չգիտեմ թէ հիւանդ եղած է, որովհետեւ բժշկուելէն առաջ տեսած չէի:

Ապահոս.— Կը կասկածէի... Եւ արդէն, Թրակիոյ և Եգիպտասի մէջ աւելի տարօրինակ կախարդներ տեսած եմ... Գալով այդ առանց բորի բորոտին, ի՞նչ կ'անցնի կը դառնայ այս ցանկապատին ետին, այս խորհրդաւոր դրացիին տան մէջ:

Սիլանոս.— Նազովրեցին անոր հիւրն է երեք օրէ ի վեր: Սյս Սիմոնը, քոյրը, կինը և կարծեմ փեսան ալ, միջնակարդ քաղքենիներ են որ իրենց ծիթենիսներու բերքովը կ'ապրին: Վախկոտ և հանդարտիկ դրացիներ էին, բայց Նազովրեցին դալէն ի վեր ամէն բան տակն ու վրայ եղած է: Շարունակական երթեւեկ մը, աղմուկ մը կայ: Իրենց մրգաստանը անդադար լցուն է Հրէաստանի ժայռերէն դուրս ելած հիւանդներու, թափառաշըլիկներու, հաշմանդամներու բազմութեամբ մը, աղաչանքներ, ընելու անոր զոր բարձրագոչ կ'անուանեն Աշխարհի Փրկիչը, Դաւիթի

Որդին և Հրէից Թագաւորը : Երբեմն այնքան բազմաթիւ կ'ըլլան որ իմ պարտէզս ալ կը մտնեն : Ինչպէս կը տեսնէք, ցանկապատը ոտնակոխ եղած, ճզմուած և տեղ տեղ ալ ճեղքուած է : Բարեբախտաբար նազով բեցին երեւումները հազուադէպ և կարճատեւ են : Եւ սակայն, այս անպատեհութեանց հակառակ, սոյն նկարգեղ տեսարանը կը զբուցնէ զիս և հետաքըրքութիւնն կը շարժէ :

(Զախ կողմէն հինգ վեց աղբաներ կը մտնեն):

Կոելիոս .— Ո՞վ են այս մարդիկը :

Սիլանոս .— Ի՞նչ կ'ըսէի ձեզի... Ահաւասիկ կէս երկվեցեակ մը, որ եկած են հաց մուրալու :

Ապալիոս .— Հսչակաւոր խումբէն են :

Մարիամ Մազդաղենացի .— Ատելի և զազրելի մարդիկ... մէկուն երեսը կրծուած է սոսկալի վէրքէ մը, ուրիշ մը գրեթէ բոլորովին մերկ է, ուրիշ մը անօթութենէ մեռնելու վիճակին մէջ :

Ապալիոս .— Բացայայտ է որ բարեկրթութենէ զուրկ են, այսպէս իրենց տղեղութիւնը և սարսափը ցուցադրելով :

Սիլանոս .— Մի՛ վրդովուիք բնաւ . ասոնք երկար ատեն չպիտի խանգարեն շնորհալի գեղեցկութիւնը անդաստակներուն ուր մեր ակնարկները կը զուարթանան : Պարտիզպանս տեսաւ զանոնք . զինուած է հաստ բիրով մը, և զանոնք կը վանէ անխնայ... կը տեսնէք թէ կը հեռանան լոին և գըլխիկոր... : Եւ հիմա որ բաւական զբաղեցանք այդ թշուառներով, ատոնց պետով և հիւանդներով, խորհիչ քիչ մըն ալ մեր վրայ, և ճաշակենք երջանկութիւնը հիանալի յետմիջօրէին, զոր կ'ընծայէ գարունը մեղի... : Զեզ տեսնելով զդացած հաճոյքս զերծ

պիտի ըլլար ո և է մութ ստուերէ, եթէ մեր քարե կամք՝ Լոնկինոս՝ տեղի տալով Ապալիոսի ստիպումներուն, հաւանած ըլլար մեզ ընկերանալու :

Ապալիոս .— Երբեք աւելի ուժգնօրէն չեմ զգացած ունայնութիւնը այն մեծ պերճախօսութեան, զորինքն իսկ սորվեցուց ինծի : Իմ ամէնէն համոզիչ և տրամաբանական խօսքերուս դէմ յամառ լուութիւն մը կը պահէր և գլուխը կ'օրօրէր, կրկնելով միշտ թէ չէր ուզեր իր մոայլ ներկայութեամբ մթագնել մեր զուարթ հաւաքոյթը...

Կոելիոս .— Բայց ահա երեք շարաթ եղաւ այդ տղեկը մեռնելէն ի վեր... չէի կարծեր սր կլած ցաւը այս աստիճան վշտաղնէր զինքը :

Ապալիոս .— Մանաւանդ թէ խնդիրը փոքր տաշրիքի մէջ գտնուող տղեկի մը վրայ է, զոր հայրը այնքան չէր ճանչնար որքան անոր դայեակը :

Սիլանոս .— Աւելի զարմանալին կայ, որ կը ցուցնէ թէ իմաստութեան բարձրագոյն կէտը՝ գիտնալը չէ այնքան, որքան գիտցածին համակերպիլը... Երբ, եսր քսան տարի առաջ, կորսնցուցի մանչ մը, որ գրեթէ ծիշդ այն տարիքը ունէր որքան այն աղջնակը զոր կ'ողբայ հիմա Լոնկինոս, այն ատեն ձեռնարկեց զիս միխթարել : Պերճախօս նամակ մը գրեց ինծի, ուր Մետրոդորի, Պանխտիոսի և Հերմաքոսի հեղինակութեան վրայ հիմնուելով կ'ապացուցանէր ինձ թէ վլչար ոչ միայն անօդուտ, այլ և ապերախտ է : գրեթէ զոց գիտեմ գլխաւոր և ուշաղրաւ հատուածներն այդ նամակին, զոր գտայ և այս առաւօտ իսկ վերըստին կարդացի : Ատոնք ամենաբարձր խօսքերն էին, զոր մարդկային իմաստութիւնը կարենայ արտասանել մահուան և վիշտի դէմ... ատոնք ժամանակաւ սիու փած, միսիթարած էին զիս :

Մարիամ Մագդաղենացի .— Ի՞նչ էին այդ խօսքերը . . . լաւ է չանգիտանալ ամէն ինչ որ կրնայ մեղմացնել վիշտը . . .

Սիլանոս .— «Ինձմէ միսիթարութիւն կը սպասէք, կ'ըսէր, բայց յանդիմանութիւն միայն պիտի ստանաք : Եթէ տղու մը մահը այնքան վիշտի կ'ենթարկէ ձեզ, ի՞նչ պիտի ընէիք եթէ բարեկամ մը կորսնցնէիք . . . : Հարկ է որ ինքզինքնիդ դնէք այն տրամադրութեան մէջ, որ աւելի՛ գոհ ըլլաք զայն ունենալով, քան ցաւիք զայն չունենալուդ համար : Բայց մեծամասնութիւնը առ ոչինչ կը գրէ անցեալի առաւելութիւններն և հաճոյքները . բարեկամութիւնը գերեզման կ'իջեցնէ բարեկամին հետ » :

Ապահիոս :— Կ'ընդունիմ և կ'ողջունեմ մեր ականածելի ուսուցչին հզօր իմաստութիւնը :

Սիլանոս .— Ի՞նք' ինչո՞ւ չի յիշեր զանոնք, երբ զմբախտութեան հարուածին ենթարկուեցաւ : Բայց ե՞ս ինչո՞ւ մոռցայ զայն երբ պէտք ունեցայ : «Կը հաւասաթեմ ձեզ, կը յարէր, թէ մեր սիրածներէն կարեւոր մաս մը կը մնայ, ճակատագրին զանոնք խլելէն ետք ալ : Անցած ժամանակը մերն է, և ոչինչ կը տեսնեմ որու մասին աւելի ապահով ըլլանք, քան ինչ որ եղած է անցեալին մէջ : Ապադայի յոյսը ապերախտ կը դարձնէ մեզ այն բարիքներուն զոր ստացած ենք, կարծես թէ շատ չանցած անցեալին կարգը դնել հարկադրուած ըլլայինք ինչ նպաստաւոր բաներ որ կ'ակնկալենք ապագայէն : Ձեր մէկ զաւակը մեռաւ այնքան մատաղ տարիքի մէջ, որ չպիտի կարենայիք անկէ բան մը ակնկալել . ուրիշ բան չէ այս, բայց միայն կորսուած ժամանակի փոքր շրջան մը : Անթիւ օրինակներ կան հայրերու, որոնք կորսնցուցած են մատաղ տարիքի մէջ գտնուող զաւակներ,

առանց կաթիլ մը արցունք թափելու, և որոնք Մերակոյտ մտած են՝ զանոնք գերեզման դնելէ ետքը : Առանց պատճառի չէ ասիկա, որովհետեւ նախ աւելորդ է տիսրիլ, երբ տիրութիւնը բանի մը չի ծառայեր : Եւ յետոյ արդար չէ տրանջալ, դժբախտութեան մը համար որ մէկու մը գլխուն եկած է, և որ կախուած է տակաւին բոլոր միւսներուն գլխուն վերեւ : Արդէն յիմարութիւն է տրանջալ, քանի որ խիստ քիչ միջոց կայ մեռնողին և անոր վրայ լացողին միշեւ : Ի նկատ պէտք է առնել որ մարդկային ցեղը որ միեւնոյն վախճանին կը ձգտի, իրարմէ բաժնուած է շատ պղտիկ անջրպետաներով, նոյն իսկ երբ մնձ կը թուին անոնք : Այն որ կորսուած կը կարծէք, պարզապէս աւելի առաջ զացած է միայն : Քանի որ առ մէնքս ալ միւնոյն ճամբէն պիտի երթանք, իմաստուն մարգու մը անարժան չէ լալ անոր վրայ որ սեզմէ առաջ մեկնած է : Բարեկամի մը կամ զաւկի մը մահուան համար տրանջալ, տրանջալ է անոր մարդեղած ըլլալուն համար : Ամէնքս ալ միւնոյն բաղդին կապուած ենք : Ով որ աշխարհ եկած է, չի կրնար զերծ մնալ անկէ մեկնելէ : Արջրպետը կրնայ տարբեր ըլլալ, բայց վախճանը նոյնն է միշտ : Առաջին և վերջին օրուան միջեւ անցած ժամանակը անստոյդ և փոփոխական է : Եթէ նկատի առնէք կեանքի թշուառութիւնը, երկար է նոյնիսկ մանուկի մը համար . եթէ նկատի առնէք տեւողութիւնը, կարծ է ծերի մը համար ալ » : (\*)

Մարիամ Մագդաղենացի .— Ասիկա բնաւ չպիտի միսիթարէր զիս :

Սիլանոս .— Միսիթարելը, տիկին, վիշտը անհետացնելը չէ, այլ սորվեցնել անոր յաղթելու :

(\*) Սենեկա, ad Lucilium: Epist. XCIX.

(Այս վայրկեանին պօղուաներէն, փողոցներէն եւ բոլոր անտեսանելի դաշտերէն — որ դարձաւափին վրայ կ'իշխեն — կը լսուի ըսուկ մը, նախ խուլ եւ տարտամ, որ հետզինետ կը տեսուի ու կը նեղուի. աղմուկը՝ կազմուելու վրայ եղող եւ գահավիժող ամբոխի մը. զլորող քարեր, տղու պոռչութեաներ, տունի հաջիններ, հետզինետ աւելի յսակ կոյեր. «Հոսկէ՛, հոսկէ՛, շուտ եկէք, իշէ՛ք, աջ կողմէն, աջէն... հոն է, տեսան զինքը... տունէն դուրս կ'ելլէ... Սիմոնի մրգաստանը... հոն տարէք անդամալոյծները ., առաջնորդեցէք կոյրերուն.. շո՛ւտ, շո՛ւտ, հոսկէ... կ'ըսեն թէ հիմա պիտի խօսի..» եւլն.:

Ապահոս.— Ի՞նչ է այս, ի՞նչ է պատահածը :

Վերոս.— Ամէն կողմէ կը վազեն :

Կոելիոս.— Բոլոր ճամբաները ծածկուած են խենդի պէս դահավիժող մարդոցմով :

Ապահոս.— Կարծես ժայռերէն դուրս կ'ելլեն :

Կոելիոս.— Բայց ի՞նչ է եղածը... ձիթենիներուն ետին կ'անհետանան...

Վերոս.— Երկու հիւանդներ կը տանին պատգարակներու վրայ...

Կոելիոս.— Կոյր մը որ կ'իյնայ...

Ապահոս.— Ի՞նչ ունին, խենդ են...

Վերոս.— Ի՞նչ են այս տարօրինակ մարդիկը որ ժայռերուն մէջտեղ կ'ոստոստեն...

Սիլանոս.— Դիւահարներ են որ գերեզմաննոցներէն կ'ելլեն :

Ապահոս.— Բայց վերջապէս ի՞նչ է պատահածը...

Սիլանոս.— Նազովրեցի՛ն տեսած են :

Մարիամ Մազդաղենացի. — Նազովրեցի՛ն, ո՞ւր է : Սիլանոս.— Հաւանաբար Սիմոն բորոտի տունէն

ելաւ հիմա : Իր բոլոր շարժումներուն ուշադիր են : ուր որ նշմարեն՝ աճապարանքով կը բերեն հիւանդոները, ու մոյեռանդները գահավէժ կը յառաջանան : Հիմա դրացիին մրգաստանին մէջ ըլլալու է . (ականջ տալով) յիրաւի, կը լսէ՛ք ամբոխին խուլ աղմուկը, մեղուանոցի մը բզդիւնին պէս... իմ դափնիներուս ցանկապատին կը մօտենայ :

Պապիոս.— Երթանք տեսնե՞նք...

Սիլանոս.— Ես համամիտ չեմ... նախ որ այս մարդոց մեծ մասը խեղճ, աղքատ, ծայր աստիճան աղտոտ են, որոնց հպումը գարշանք կ'աղդէ... յիտոյ ծանօթ էք հրէական մոլեսանդութեան... այս խանդակառութեան վայրկեաններուն, ամէնէն անվասները վտանգաւոր կը դառնան, և հոռմէական պատմուճանն ու զինանշանները ծայր աստիճան կը գրդուն զիւրենք... արդէն ասկէ շատ լաւ պիտի լսնք անցած դարձածը... : Մտիկ ըրէք... աղաղակները կը մօտենան և կը կրկնապատկուին :

(Յիրաւի, պարտէզը եզերող ցանկապատին եւ տեւեն կը լսուին հետզինետ մօտեցող աղաղակներ: «Ովսաննա՛, ովսաննա՛... Որդի մարդոյ. Տէ՛ր, Տէ՛ր, գթացէք տէր... Դաւիթի որդի, բժշկեցէ՛ք հիւանդը: Վարդապետ, վարդապետ, Տէր, Յիսուս նազովրեցի, գթացէք ինծի... մէկդի բաշուեցէք... լուութիւն, լուութիւն... պիտի խօսի..»: Առոր վրայ յանկարծ աղմուկը կը մեղմանայ: Խոր լուութիւն մը, որուն կարծես կը մասնակցին բոչուները, ծառերու տերեւները, եւ մինչեւ խսկ տնչուած օդը, կը նետ դաշտին վրայ գերբնական ծանրութեամբ մը. եւ այս լուութեան մէջէն, որուն կ'ենքարկուին նաեւ դարձափին մարդիկը, կը բարձրանայ՝ անջրպետին եւ ժամուն վրայ բացարձակ տի-

բապետութեամբ մը՝ ձայն մը անլուր, բաղցր եւ  
հզօր, ձայն մը՝ եռապնդով, լոյսով եւ սիրով ոգե-  
ւորուած, հեռաւոր եւ սակայն մօսիկ՝ բոլոր սիրտե-  
րուն, եւ ներկայ բոլոր հոգիներուն մէջ...

Զ Ա Յ Ն Ը

«Երանի՛ հոգինվ աղքատներուն, որովհետեւ  
անոնցն է երկինքի արքայութիւնը.

«Երանի՛ հեզերուն, որովհետեւ անոնք պի-  
սի ժառանգեն երկիրը.

«Երանի՛ սպատուներուն, որովհետեւ անոնք  
պիսի մխիթարուին:»

Ապափիոս. — Ի՞նչ կ'ըսէ:

Սիլանոս. — Մտիկ ըրէք, հետաքրքրական է:

Զ Ա Յ Ն Ը

«Երանի՛ անոնց որ անօրի եւ ծարաւ են  
արդարութեան համար, որովհետեւ անոնք պիսի  
կըսանան.

«Երանի՛ ողորմածներուն, որովհետեւ անոնք  
ողորմութիւն պիսի գտնեն:»

Մարիամ Մագդաղենացի. — Կ'ուզեմ տեսնել:

(Ոսքի կ'ելլէ, եւ կարծես անդիմագրելի կեր-  
պով մղուած աստուածային ձայնեն, կ'երբայ՝ դա-  
րասափին սանդուղներէն վար իջնելու եւ ուղ-  
ղուելու դէպ ի պարտէզին խորը:)

Սիլանոս. (ցած ձայնով եւ ջանալով զայն վայր-  
կան մը կեցնել) .— Մի՛ երթաք:

Զ Ա Յ Ն Ը

«Երանի՛ անոնց որ սիրտով մաքուր են, ո-  
րովհետեւ Ասուած պիսի տեսնեն:»

Մարիամ Մագդաղենացի. — Կ'ուզեմ հոն երթաւ...

Վերոս. — Միասին կուգամ:

Մարիամ Մագդաղենացի. — Ո՛չ, մարդ չեմ ու-  
ղեր, առանձին պիտի երթամ:

(Դէպ ի ցանկապատը կը դիմէ, կարծես հմայուած).

Զ Ա Յ Ն Ը

«Երանի՛ խաղարշարներուն, որովհետեւ ա-  
նոնք Ասուծոյ որդիները պիսի կոչուին.

«Երանի՛ անոնց որ կը տառապին արդա-  
րութեան համար, որովհետեւ անոնցն է երկինքի  
արքայութիւնը:»

Վերոս. — Ո՞ւր կ'երթայ...

Ապափիոս. — Ի՞նչ կ'ըսէ... խե՞նդ է... կը փորձէ  
ցանկապատէն անդին անցնիլ...

Զ Ա Յ Ն Ը

«Երանի՛ է ձեզի, երբ կը թշնամանեն ու  
կը հալածեն.

«Խնդացէն եւ ուրախ եղէն, որովհետեւ ձեր  
վարձէր մէծ է երկինքին մէջ:»

Վերոս. — Պարտէզին դուռը բացաւ... մրգաս-  
տանին մէջ է:

Սիլանոս. — Կիները երբեմն մտածումներ ունին  
զոր իմաստունները չեն կրնար հասկնալ:

Վերոս. — Պիտի երթամ միանամ, և եթէ պէտք  
ըլլայ, պաշտպանեմ զայն այս...

Սիլանոս. — Զըլլայ որ ընէք... անոնք ուշադիր  
են ձայնին և չպիտի նշմարեն իր ներկայութիւնը:  
Մինչդեռ քու զէնքերուդ տեսքն ու աղմուկը...

Մտիկ ըրէք, մտիկ ըրէք, ի՞նչ կ'ըսէ բաւական  
տարօրինակ է:

### Զ Ա. Յ Ն Ը

«Եւ ես կ'ըսեմ ձեզի որ զիս կը լսէք. սիրեցէք ձեր քենամիները, բարի ըրէք ձեզ ատողներուն... օրինեցէք ձեզ անիծողները, աղօրեցէք ձեզ քենամանողներուն համար:»

(Այս վայրկենին, նախ բնդիաս ձայներ կը լսուին ցանկապատճեն ետին անտեսանելի ամբոխին: Որու կը լսուին բանի մը բառեր. «Հոռոմայեցի կինն է, հոռոմայեցի կինը, շնացն զը... ամօթ, ամօթ ամօթ, բո՛զը... վոնտեցէք, վոնտեցէք զայն»: Անմիջապէս ետք ձայները իրար կը խառնուին բուռն եւ ահագոչ, ատելավառ աղաղակի մը մէջ, ուր դժուարաւ կ'որոնուին բանի մը որոտագին բառեր. «Ամօթ, ամօթ... քարկոծեցէք... ի՞մա՛հ, ի մա՛հ... քարեր» եւլն: Այս բոլորին կ'ընկերանայ փախուսի, գահավէծ բայլերու, իրարու բնդիատող գաւազանի եւ բարերու եւ կոտրուող նիւղերու աղմուկը: Սիլանոս. — Տեսա՛ն զայն...»

Վերու. — Ի՞նչ է այս... անո՞ր կ'ուղղուին այս ատելավառ խոսքերը:

Սիլանոս. — Ես ալ ատկէ կը վախնայի, զգուշանանք:

Վերու. — (Դէպի պարտէզին խորը նետուելով) Հոսկէ՛, ինծի հետեւեցէք... Ապալոս, կոկլիսս, սուրերնիդ...»

(Ճիշ այն վայրկենին որ Վերու դեպ պատաջ կը խոյանար, դափնիի ցանկապատը կը նեղուուի ամեն կողմէ մոնջող եւ վազվատող ամբոխնեն որ կը հալածէ Մարիամ Մագդաղենացին: Այս վերջինը՝ ինչայեղ՝ կը փորձէ դարասափ հասնիլ: Վերու եւ իր երկու բարեկամները իր կողմը կը վազեն, արշաւող ալիքներուն դէմ զինքը պատճանել փորձելու համար: Փարեր կը բոչին, Վերու ամենեն առաջ անցնելով կը ողացնէ իր մերկ սուրը: Այն վայրկենին որ պայքարը պիտի սկսի, եւ արդեն նիւղեր կոտրուած, արձան մը տապալած է, եւլն. եւլն. յանկարծ մերձակայ ձիբենիներու տակէն կ'որոսայ, եւ առաջուրեն աւելի մօսէն, մեծ գոյխինը գերբաւկան ձալնին: Բոլորը կանգ կ'առնեն ապահար. կը լսուի միակ բառի մը որջան ընելը. «Լուռթիւն... լուռթիւն... մտիկ ըրէք... կը խօսի, պիտի խօսի... վարդապետը նշան ըրաւ... մտիկ ըրէք, մտիկ ըրէք...»: Այն ատեն յանկարծական կերպով տարածուած խոր լուռթեան մէջ կը բարձրանայ բաւուածային ձայնը, հանդարս, վեհառուի, խորուելի, անդիմադրելի:)

### Զ Ա. Յ Ն Ը

“Զեր մէջէն ով որ տնմեղ է, առաջին բարը բող ան նեսէ:”

(Կը լսուի բարերու վար իբալը, ամբոխը կը ծփալ սփորած, եւ նեսգինետ կ'անհետանայ լոին, ցանկապատին մէջնեղին: Վերու կը յառաջանայ օգնութելու Մարիամ Մագդաղինեցին, որ կանգ առած է եւ կը մայ ուղիղ եւ անշարժ, ծառուլիին մէջնեղ: Չոր եւ բիրս շարժումով մը կը մերժէ ընծայուած օգնութինը, եւ այժերը առջին յառած,

առանձին, առանց հասկընալու զինքը դիտող միւսներուն մէջեղեն, յամօրէն վեր կ'ելլէ դարտափին սանդուղներէն:)

ՎԱՐԱԴՈՅՐԸ Կ'ԻՉՆԵԼ

### Բ. ԱՐԱՐՈՒԱԾ

Մեծ սրահ մը՝ Մարիամ Մագդաղենացին վիլային ներքին անդաստակին մէջ, և թեթանիա: Խորը՝ մէջէ մէջ՝ ներքին անդաստակը եւ երկար գաւիթ մը՝ մարմարեայ սիւներով:

### ՑԱՍՏՐԱՆ, ԱԹԱԶԻՆ

ՄԱՐԻԱՄ ՄԱԳԴԱՂԵՆԱՅԻ, ՀՈՒԿԻՈՍ ՎԵՐՈՍ

Կը մտնէ Լուկիոս Վերոս, Մարիամ Մագդաղենացի զայն կը դիմաւորէ արագաքալլ, եւ թեւերուն մէջ կը նետովի:

Մարիամ Մագդաղենացի.— Վերջապէ՞ս եկար, իս Վերոսս... երեք օրէ ի վեր քեզի կը սպասեմ, երեք օր է որ քեզ կը կանչեմ, և ինքինքիս կը հարցնեմ թէ այն գեղեցկութիւնը զոր ինձ կ'ընծայեն, և որու յաղթանակը սրտի մարմաք և զզուանք միայն կը պատճառէ ինծի, ստուգիւ անկարո՞ղ է յաղթանակ տանելու, երբ խնդիրը կը կայանայ հուսկ ուրեմն այն երջանկութեան վրայ զոր ամէն կին իրաւունք ունի յուսալու կեանքի մէջ...

Վերոս.— Զգիտեմ թէ պիտի կրնա՞մ քեզի ընծայել այն երջանկութիւնը որուն իրաւունք ունիս, Մագդաղինէ', բայց լաւ գիտցիր որ քու գեղեցկութիւնդ երբէք աւելի կատարեալ յաղթանակ մը չէ ունեցած:

Մարիամ Մագդաղենացի.— Ի՞նչ կարեւորութիւն ունի հիմա ինծի համար իր յաղթանակը... Ե'ս եմ

պարտուողը, բոլորովի՛ն պարտուողը, առանց համարձակելու ինքինքիս խոստովանիլ, առանց կարենալու զայն ծածկել դժուի կերպով ձեռք բերուած անտարերութիւնէս և իմ սնապարծութենէս որ իմ ամօթիս քստմնելի պասկը միայն կրցած է ըլլալ...: Բայց ինչո՞ւ այնքան սպասուցիր զիս: Կարծեցի թէ ամէն ոք կը լքէր զիս, թէ ամէն ինչ կորսուած էր այն սոսկալի խօսքերուն պատճառով զոր ըրի Սիլանոսի տունը, և որոնք ճշմարիտ չէին, և սուտ մըն էին, իմ միւս սուտերէս աւելի՛ խորունկ, որովհետեւ յիմար մըն էի, և չգիտէի, չէի ուզեր անկարելի երջանկութիւն մը:

Վերոս.— Լաւ գիտես, Մագդաղինէ', թէ երբէք չեմ հաւատացած որ դուն նման ըլլաս քու նկարագրածիդ... Բայց հիմակ ալ չեմ համարձակիր հաւատալ այն երջանկութեան որ ընդ առաջ կուգայ ինծի... Ծլացած եմ, կը կասկածիմ, կը խարիսափիմ... ա'լ չեմ ճանչնար այն ճայնը որ այնքան անդամներ մերժած է զիս խստօրէն:

Մարիամ Մագդաղենացի. (Վերոսի թեւերուն մէջ).— Միեւնոյն ճայնը չէ, միեւնոյն հոգին չէ...

Վերոս.— Եւ սակայն դուն կը գտնուիս թեւերուս մէջ, դուն, ամբողջովին դուն ես, որուն այնքան պաղատած եմ...: Տակաւին ինքինքիս կը հարցնեմ թէ արդեօք իրա՞ւ է, արդեօք կարելի՞ է ասիկա, թէ արդեօք չե՞ս խալար շատ միամիտ երջանկութեան մը հետ զոր պիտի ընծայես ամէն անոնց զորս կը խորտակէ ինքինքը փորձի ենթարկող գեղեցկութիւն մը... Բայց ոչ, երբ կը հարցափորձեմ, կը հետեւիմ քու նայուածքիդ, որ կ'իջնէ մինչեւ իմ նայուածքիս խորը, կը տեսնեմ թէ իրա՞ւ է, և միշտ իրաւ եղած է...

Մարիամ Մագդաղենացի. — Այո՛, իրաւ է, և  
միշտ այդպէս եղած է... Զգիտէի և ի զուր կը փրնա-  
ռէի, և բոլորովին կ'անդիտանայի մինչեւ այս վերջին  
անձկութեան օրերը... Զէի ուղեր տեսնել թէ դուն  
ինծի կուգայիր և ամէն ինչ քեզի կը սպասէր...: Եւ  
սակայն պէտք է որ գիտնայի...: Արդէն Անտիոքի  
մէջ, կը յիշե՞ս, վերո՞ս, թէ ի՞նչպէս կը փախչէի  
քեզմէ...: Այնքան ուրիշներ կ'ընդունէի, և քեզ  
միայն, ամէնէն գեղեցիկը, ամէնէն մաքուրը, կ'ուղէի  
անդիտանալ, ջնջել, ոչնչացնել... Երբ դուն կ'երե-  
ւայիր, կասկածոտ, խրտչող, չար անասունի մը պէս  
իմ որջիս խորը կը քաշուէի. դեռ առջի օր Սիլանոսի  
տան մէջ, զգացի թէ սրտիս խորը գտնուած ամբողջ  
չարիքը, դառնութիւնը կամ յուսահատութիւնը կու-  
գայ կը հասնի շրթունքիս: Բայց, հիմա, կը տեսնես  
թէ ա՛լ նոյնը չեմ, ա՛լ ինքզինքս չեմ ճանչար,  
որովհետեւ ինքզինքս կը գտնեմ: Ամէն ինչ որ կը  
դիմագրէր, խղուած է հոգիիս մէջ...: Ա՛լ ինքզինքս  
չեմ հասկնար, ու չէի գիտեր թէ երջանկութիւնը  
այնքան տարօրինակ բան մըն է...: Ես որ բնաւ չէի  
լար իմ ամէնէն սաստիկ անձկութիւններուս և տագ-  
նապներուս մէջ, կը հեծենմ այսօր որ երջանիկ պիս-  
տի ըլլամ: Զուարթ և թեթեւասիրտ եմ, և սակայն  
աւելի ջատուած, քան եթէ երկնքին մէջ թեւածող  
բոլոր դժբախտութիւնները վրաս տեղային... (Աւելի  
խանդագին սեղմելով զայն): Օքնէ՛ ինծի, իմ վե-  
րո՞սս, սիրէ՛ զիս, պաշտպանէ՛ զիս, դուն ուեէ սպառ-  
նալիքի տակ չես, բա՛ն մը չունիս վախնալու:

Վերոս. — Բայց ի՞նչ պատահեցաւ իմ բացակա-  
յութեանս, ուեէ մէկը համարձակա՞ծ է...:

Մարիամ մագդաղենացի. — Ո՛չ, ո՛չ, ո՛չ մէկը,

այդպիսի բան չկայ. Կ'ս ալ չգիտեմ ինծի սպառնա-  
ցող վտանգը... բայց քու թեւերէդ ուրիշ ապաստան  
չունիմ, և ինքզինքս կորսուած կը զգամ, եթէ քեզ  
ալ կորսնցնեմ. ա՛ռ, տա՛ր զիս ինձմէ ջնջու, այն  
սրտին վրայ որուն կ'ունկնդրեմ, հեռո՛ւ այստեղէն և  
իմ մտահոգութիւններէս... դո՛ւն միայն զիս կրնաս  
ազատել, և ուրիշ կեանք չունիմ եթէ ոչ այն՝ զոր  
դուն ինծի կուտաս...: Բայց ինչո՞ւ այսքան երկար  
ատեն թողուցիր զիս արցունքներուս մէջ. ինչո՞ւ  
երրորդ օրէն ետքը միայն եկար, այսպէս լքելով զիս,  
առանց գթութեան բառ մ'ըսելու, առանց յոյսի նը-  
շան մը աալու:

Վերոս. — Կը սխալիս, Մագդաղինէ, կամ քու  
գերիներդ ճշմարտութիւնը չեն ըսած քեզի...: Սիլա-  
նոսի տան մէջ մեր հանդիպումին յաջորդ օրն իսկ  
Բեթանիա եկայ, իմացնելու համար քեզի թէ դատա-  
ւորին մէկ հրամանազրով անմիջապէս կը դրկուէի  
զինուրական զոկատի մը գլուխը անցած՝ զսպելու  
տարօրինակ ըմբոստութիւն մը որ ծագած էր Երի-  
քովի շուրջը: Դրանդ առջև պահապան սպասող գե-  
րիները չժոյլատրեցին ինձ քեզի մօտենալու, և այն-  
պիսի ձեւով մը պատասխանեցին որ չհամարձակեցայ  
պնդել...: Հասկցայ թէ բացորոշ և անողոք հրաման-  
ներու կը հնազանդէին, պատշաճ չէր զիրենք տար-  
համոզելու աշխատիլ...

Մարիամ Մագդաղենացի. — Ճիշտ է..., ա՛լ ըրածս  
չգիտեմ... շմորած և ջատուած էի... անկարող  
տեսնելու, լսելու և կամենալու, տակաւին արթնցած  
չէի... Ինձ այնպէս կը թուէր թէ կը գալարուէի միշտ  
սոսկալի ամբոխին մէջտեղ, Սիմոնի պարտէզին մէջ,  
ուր ի զուր կանչեցի զայն որ զիս ազատած էր...: Ան-

ալ զիս լքած էր . . . ի զուր փնտռել տուի զինքը . ոչ  
ոք կրնար ըսել թէ ո՛ւր ծածկուած էր , չտեսա՞ր  
զայն , չգիտե՞ս թէ ո՛ւր կը գտնուի . . .

Վերոս . — Ո՞վ :

Մարիամ Մազդաղենացի . — Նազովրեցին . . .

Վերոս . — Զիսօսինք այս թշուառին վրայ . իր  
օրերը համրուած են :

Մարիամ Մազդաղենացի . — Իր օրերը համրուած  
են . . .

Վերոս . — Անկարեւոր բան , մեզի վերաբերութիւն  
չունի , և շատ չանցած պիտի անդիտանանք ինչ որ  
կապ չունի մեր սիրոյն հետ . որովհետև հրաշալի է  
դիտել թէ իրար սիրողներու մտածումները որքան  
կուգան կը միանան մէկզմէկու , հակառակ հեռաւու-  
րութեանց և իրենց միջև սպրդող չարակամ զրոյցնե-  
րու : Զարմանալի չէ՞ որ քեզմէ զատուելէս ետքը Սի-  
լանոսի տան մէջ , ուր այնպիսի խօսքեր լսեցի . որ  
ամէն յոյս պէտք է վերցնէին ինձմէ , առաջին անդամ  
ըլլալով իմ մէջս զդացի փթթումը մեր թարմ երջան-  
կութեան , իր բոլոր ուժգնութեան և ստուգութեան  
մէջ : Մինչ դուն զիս կը կանչէիր , ես ալ քե՞զ կը  
կանչէի իմ սրտիս բոլոր ձայներովը՝ խորունկ և  
յուզումնալից : Քեզմէ հեռու մնացած էի զինուորի մը  
այնքան ալ արժանի չեղող պարտականութեամբ մը ,  
որովհետև Երիքովի այդ արշաւանքը , վերջինը զոր  
պիտի կատարեմ ապահովաբար , զբեթէ զզուելի , լաւ  
և ծաղրելի բան մը եղաւ . . . : Կատաղօրէն կը համ-  
րէի այն վայրկեանները , որոնք կը կորզուէին մեր  
նոր կեանքէն որ կը սկսէր արդէն հոգիի մը մէջ ուր  
այլեւս հետքը չէր դտնուեր ու է երկիւղի . . .

Մարիամ Մազդաղենացի . — Այդ կեանքը իրապէս  
պիտի սկսի այն ատեն միայն , երբ հեռու գտնուինք  
այս երկրէն ուր կը խղզուիմ , ուր ամէն ինչ կը մը-  
թագնի և կը սպառնայ երջանկութեանս , ուր ա՛լ չեմ  
կրնար ապրիլ . . . Վերո՛ս , կը պաղատիմ , եթէ կը  
սիրես զիս այնպէս ինչպէս ես կը սիրեմ քեզ , աճա-  
պարենք , թողունք ամէն բան , կորսնցնելիք ժամա-  
նակ չունինք . . .

Վերոս . — Իրաւո՛ւնք ունիս , երկար ատենէ ի  
վեր սպասուած ուրախութիւն մը՝ երբէք չի կրնար  
ծնիլ այս չարաշուք ժայռերուն մէջ , ուր մահուան և  
յիմարութեան բոյր մը կը ծածանի . . . : Բայց հո՛ս ալ  
մեր մտածումները լաւ կը հասկնային իրար , մեր  
խօսքերէն շատ առաջ . . . Ես ալ , քեզ նման , որոշած  
եմ հեռանալ այս արհամարհնելի քաղաքէն , ուր ստու-  
գիւ կը զեղծանին իմ ցոյց տուած հնազանդու-  
թեամբս . . . Ես դատաւորին հրամանին տակ կը գըտ-  
նուիմ , բայց բնաւ երբէք թունալից ծառայութեանը  
մէջ Հրեայ քահանաներու և աղմկալից և նենգամիտ  
ժողովրդեան , որուն յաղթեցին իմ լեգէոնականներս :  
Ա՛լ ձանձրացայ այս երկդեմի կեանքէն : Այս իրիկուն  
իսկ պատճառ մը պիտի գտնեմ , խուսափելու համար  
հրամանէ մը զոր այսօր իսկ պէտք է գործադրէի , և  
որուն ծագումը շատ լաւ գիտեմ . . . Եթէ ցուցնելիք  
պատճառ անբաւական թուի , թո՛ղ կայիափա և Աննա  
երթան կայսեր ըսեն : Ոչինչ նշանակութիւն ունի մեր  
սիրոյն հանդէպ , և այն անփառունակ զինուորական  
գործողութիւնը զոր կ'ուզեն ինծի պարտադրել , գարո-  
շանք կ'ազդէ ինծի , մանաւանդ որ գրեթէ քու աչքիդ  
առաջ պիտի կատարուի :

Մարիամ Մագդաղենացի .— Իմ աչքիս առաջ՝  
ինչի՞ վրայ է խնդիրը :

Վերսու .— Քեզ չի շահագրգուեր . ա՛լ մեր բարեա-  
բաստիկ փախուստին վրայ միայն խորհինք :

Մարիամ Մագդաղենացի .— Գիտեմ թէ վտանգ  
մը կը սպառնայ Անոր . . . .

Վերու .— Որո՞ւ վրայ կը խօսիս :

Մարիամ Մագդաղենացի .— Անոր ըրածէն ետքը ,  
անկարելի է որ գուն դուծիք ըլլաս իր վատթար  
թշնամիներուն . . . Անո՞ր կը պարտիս իմ կեանքս և  
թերեւս մեր երջանկութիւնը . . . ի՞նչ կ'ուզեն իրմէ . . .  
ի՞նչ հրաման ստացած ես . . .

Վերու .— Պաշտօն ստացած եմ , այս իրիկուընէ  
առաջ ձերբակալելու զինքը , ինչպէս նաև իր խում-  
բին գլխաւոր պետերը : Հիւանդներու և թափառա-  
կաններու դէմ ոստիկանական անսարդ դործողութիւն  
մը , զոր ցարդ չէին պահանջած լեգէոնականներէ . . .  
Ատիկա տեղի չպիտի ունենայ . ա՛լ չխօսինք ատոր  
վրայ :

Մարիամ Մագդաղենացի .— Բայց ի՞նչո՞ւ կը ձեր-  
բակալեն , ի՞նչ ըրած է , ի՞նչ ամբաստանութիւն կ'ը-  
նեն իր վրայ : Անմե՛ղ է ան , զիտե՛մ , և արդէն բա-  
ւական է զինքը տեսնել , հասկնալու համար . . . : Ան  
երջանկութիւն մը կը բերէ անծանօթ , և բոլոր իրեն  
մօտեցողները երջանիկ են , քունէն նոր արթնցող  
տղու մը պէս . . . Ես իսկ , որ հազիւ ակնթարթի մը  
տեւողութեամբ տեսայ զԱյն , ձիթենիներու մէջտեղ ,  
զգացի որ ուրախութիւնը կը զեղուր սրտիս մէջ ,  
տեսակ մը լոյսի պէս որ կը համակէր մտածումներս :  
Ռոպէ մը միայն իր աչքերը յառեց իմ վրայ , և ասիկա  
բաւական պիտի ըլլայ իմ ամբողջ մնացեալ կեանքիս  
համար : Գիտէի թէ կը ճանչնար զիս , առանց բնաւ-

տեսած ըլլալու , և կ'ուզէր զիս նորէն տեսնել . . .  
զիս ընտրած ըլլալ կը թուէր լրջօրէն , ուժգնօրէն ,  
տեւականօրէն . . .

Վերու .— Ի՞նչ ըսել է ատիկա . . . Անո՞ր վրայ կը  
խօսիս : Ի՞նչ անցաւ դարձաւ . . . Նորէն տեսար զինքը :  
Արդէն ըսած էին ինծի թէ նենդամիտ մէկն է ան . ա-  
մէն բան ընելու պատրաստ . բայց չէի յուսար որ հա-  
մարձակութիւնը պիտի ունենար . . .

Մարիամ Մագդաղենացի .— Ոեւէ համարձակու-  
թիւն չէ ունեցած . . . Զտեսայ զինքը , և չպիտի տես-  
նեմ , քանի որ մենք ամէն բան պիտի թողունք , մի-  
միայն երկուք ըլլալու համար :

Վերու , (Աւելի ամուր սեղմելով զայն) .— Ա՛լ  
մէկ հոգի ըլլալու համար , Մագդաղինէ՛ , աւելի՛ եր-  
ջանիկ երկրի մը մէջ , ուր ամէն ինչ կը քաջալերէ  
երջանկութիւնը , կը ժապի անոնց որ իրար կը սիրեն ,  
և կ'օրէնչ գեղեցկութիւնը :

Մարիամ Մագդաղենացի , (Զղաձգօրէն հեծկլտալով  
Վերուի կուրծին վրայ) .— Կը սիրե՛մ քեզ . . . Գիտեմ  
թէ . . . Կ'ուզեմ փախչիլ , Կ'ուզեմ փախչիլ այն բանէն  
զոր կ'անդիտանամ տակաւին :

Վերու .— Եկո՞ւր , շատ լաւ կը հասկնամ այս ար-  
ցունքները որ միւնոյն ատեն կը բղիսին մեր կրկին  
սիրտերէն՝ մեր միակ երջանկութեան մէջ . բայց , ա-  
ւասիկ , անդաստակին սիւներուն մէջտեղէն կը յառա-  
ջանան ամէնէն գեղեցիկ զարդերը գեղեցիկ Հոռմին ,  
որուն սքանչացում պիտի պատճառենք մեր սիրով . . .  
Զեմ սխալիր , բարի Սիլանոսն է՝ ընկերակցութեամբ  
հաւատարիմ Ապպիոսին , որ մարմարէ սանդղաստի-  
ճաններէն կ'իջնեն , առաջնորդուելով անմահ աս-  
տուածներէն , իրենց եղբայրական ներկայութեամբ  
նուիրագործելու համար առաջին ժպիտները իրենց  
աչքին առջեւ ծնող երջանկութեան մը :

ՏԵՍԱՐԱՆ ԵՐԿՐՈՐԴ

ՆՈՅՆԻ, ՍԻԼԱՆՈՍ, ԱՊՊԻՈՍ

Սիլանոս. — Բառած և գրուած էր թէ այս շատ զեղեցիկ օրուան մէջ ես ականատես պիտի ըլլամ երկու հրաշալիքներու, որոնց փոքրագոյնը չէ այնքան արագօրէն միանալը երկու սիրահարներու, որոնք՝ սիրոյ վաղնջական սովորութեան համաձայն՝ պէտք է փախչէին իրարմէ այնքան յամառաբար, որքան աւելի կը տոչորէին իրարու միանալու ըղձանքով։

Ապահոս. — Մեղրուարի, Հերնաքոսի և Զենոնի անունով կ'երդնում. խնդիրը նախատեսուած երջանկութեանը վրայ է երկու սիրահարներու, որոնք վերջ կուտան իրենց վէճերուն։ Բայց, ըսէ՛ իրենց, անմիջապէս, լիաշուրթն և ամբողջ հոգիովդ պօռա՛ իրենց՝ ինչ որ պատահեցաւ. մա՞ս որոշութիւն չունի այլեւս. գերեզմանները պիտի բացուին, ուրուականները պիտի տարածուին, աստուածները զդրդած են, կեանքի բոլոր օրէնքները յեղաշրջուած . . . Մենք սքանչացումով ականատես եղանք միակ, անջնջելի երեւոյթի մը, որ երբէք տեսնուած չէր յորմէ հետէ արեւուն լոյսը ծագած է երկրի վրայ, և չպիտի ալ տեսնուի մինչեւ աստուածներուն մահը։

Վերոս. — Ի՞նչ պատահեցաւ. Ապահոս սովորականն շատ աւելի բուռն սքանչացումի մը մատնուած կը թուի. և դուք ալ, սիրելի՛ ուսուցիչս, հակառակ ձեր հաւասարակշիռ հոգիին . . .

Ապահոս. — Սա պատահեցաւ որ Ան յարութիւն առնել տուաւ մեռելի մը . . .

Մարիամ Մագդաղենացի. — Ո՞վ . . .

Սիլանոս. — Նազովրեցին, որուն վերադարձը ծանուցանել կուգամ, ինչպէս խոստացած էի։

Մարիամ Մագդաղենացի. — Վերադարձա՞ւ, երբէն ի վեր. ո՞ւր է, տեսա՞ք զինքը նորէն։

Սիլանոս. — Ձեր հարցումներուն կարգով պատասխանելու համար, տիկի՞ն, ձեզի պիտի ըսեմ որ այս առոտու եկաւ, թէ աչքովս տեսայ զինքը, և թէ այս վայրկեանին իմ դրացիս Սիմոն Բորոտի տունը կը գտնուի: Եւ սակայն կը զարմանամ որ այն ձշմարիտ, խելացնոր խանդավառութիւնը, որ երկու երեք ժամէ ի վեր կը յուղէ քաղաքը, տարածուած չըլլայ մինչեւ այստեղ: Ճիշդ է որ ձեր բնակարանը գերեզմանին գտնուած տեղէն բաժնուած է բարձր բլուրով մը և ձիւթենիներով։

Մարիամ Մագդաղենացի. — Բան մը չսեցի, չիմացայ . . . Հակառակ իմ տուտն հրամաններուս, ոչ մէկը իմացուց ինձ . . . Բայց, վերջապէս, ի՞նչ է պատահածը . . . Ապահոս գունատեր է . . . — Ի՞նչ ըսաւ, ի՞նչ ըրաւ ան . . .

Ապահոս. — Այնպիսի բան մը ըրաւ, որ մինչեւ հիմա ոչ մէկ մարդ, ոչ մէկ աստուած կրցած էր ընել. բան մը, որուն չպիտի հաւատայի, եթէ տասը հազար վկաներ հաստատէին անմահներու անունով, և որուն կը հաւատամ այնքան, որքան իմ իսկ գոյութեանս, որովհետեւ աչքո՛վս տեսայ, ինչպէս ձեզ կը տեսնեմ հոս, և գրեթէ չօշափեցի զայն իմ ձեռքերովս, ինչպէս կը չօշափեմ այս անօթը: «Կանգնէ՛, դուրս ելի՛ր քալէ՛» ըսաւ Ան, և մեռելը ոտքի կանգնեցաւ, դուրս ելաւ, և սկսաւ քալել մեր մէջը։

Վերոս. — Կ'երեւայ թէ այնպիսի մեռել մըն էր ան, որուն առողջութիւնը տեղն էր:

Սիլանոս. — Ո՛չ, համոզուած եմ որ իրապէս մեռած էր:

Ապահոս. — Ճշմարի՛տ մեռել մըն էր, սոսկալի՛

մեռել մը... Ապա թէ ոչ իմ զգայարանքներու ա'լ չեն կրնար հաստատել թէ արեւը կը ճառագայթէ երկինքի կապոյտին վրայ, և թէ մարդկային մարմինը կը կազմալուծուի... Չորս օրէ ի վեր գերեզմանն էր...

Մարիամ Մագդաղենացի.— Բայց ո՞վ, ի՞նչպէս, ո՞ւր... Իսկ նազովրեցի՞ն... Կ'ուզեմ դիտնալ, Դուք խօսեցէք իր տեղը, Սիլանոս, ան ինքզինքը կորսընց ցուցած է...

Սիլանոս.— Ահաւասիկ՝ երկու բառով՝ ինչ որ անցաւ դարձաւ: Պէտք է սակայն ըսեմ թէ ես բոլորովին մասնակից չեմ Ապալիոսի սքանչացումին: Մեռելի մը կենդանանալը տեսնելը աւելի մեծ զարմացում պէտք չէ պատճառէ, քան տեսնել տղու մը կեանք առնելը կամ ծերունիի մը անկէ դուրս ելլելը: (Մարիամ Մագդաղենացի անհամբերութեան շարժում մը կ'ընէ): Բայց կը հասկնամ ձեր անհամբերութիւնը. անցեալ օր ձեզի խօսեցայ իմ դրացիս Սիմոնի մասին. իմ ստացուածքիս կից պղտիկ տան մը մէջ կը բնակի՝ կնոջը, քենիխն և Դազարոս անուն աներձագին հետ: Այս Դազարոսը, զոր երկու երեք անգամ միայն տեսած եմ (որովհետեւ յաճախ կը բացակայէր), քանի մը շարաթէ ի վեր հիւանդ էր, և չորս օր առաջ մեռաւ:

Ապալիոս.— Զո՞րս օր, կ'իմանա՞ք... ասիկա ոչ պիտի համարձակի ուրանալ...

Սիլանոս.— Եւ արդէն ո՛չ ոք միտքէ կ'անցընէ ատիկա, Ապալիոս: Ընտանիքի անդամները շատ սիրով էին, և խեղճերուն վիշտը խիստ մեծ եղաւ: Իմ դարաստիքս կը լսէի կնոջը ողբ ու կոծը: Հրեաներու սովորութեան համաձայն, Դազարոսը կտաւով պատեցին իր մահուան յաջորդ գիշերն իսկ: Զայն զրին նոր գերեզմանի մը մէջ, որ փորուած էր այս բլուրին

միւս կողին վրայ գտնուած ժայռերու մէջ, և գերեզմանը գոցեցին խոշոր քարով մը: Այս առառ յանկարծ լուր տարածուեցաւ թէ Նազովրեցին վերադարձած է, և պիտի կենդանացնէ մեռելը, որ իր բարեկամն էր: Ապալիոս, որ տունս կը գտնուէր, կը թելադրէ ինձ վար իջնել, և մենք ալ հետեւեցանք ամբոխին, գերեզմաններու հովտին մէջ:

Մարիամ Մագդաղենացի.— Գիտէի թէ պիտի վերադառնար այսօր, բայց ինչո՞ւ անմիջապէս լուր չտուիք ինծի, ինչպէս խոստացած էիք...

Սիլանոս.— Ինծի այնպէս կը թուի թէ այն տեսարանը որ պիտի պարզուէր, չպիտի ըլլար այնպիսի բան մը, որուն վրայ հաճելի ըլլայ սեւեռելի նայուածքները իր գեղեցկութեան շքեղանքին մէջ գտնուող կնոջ մը: Ասկէ զատ կրնար վախցուիլ որ ձեր երեւումը այդ գերագրգիռ ամբոխին մէջ, մի՛ զուցէ կրկնէ անցեալ օրուան բուռն արարքը: Որովհետեւ ահազին ամբոխ մը, լուռ բայց սարսուն՝ պիծակներու բոյնի մը պէս, կը հետեւէր նազովրեցիին, որուն առջեւէն կ'երթային Դազարոսի երկու քոյրերը: Ապալիոս և ես, մացաներուն ետին ծածկուած ժայռի վրայ բարձրացանք, ուրկէ կրնայինք տեսնել և լսել ամէն ինչ, առանց արթնցնելու Հրեաներուն կասկածն և անվատակնութիւնը: Դազարոսի գերեզմանը ցուցուցին Յիսուսի, որ կանգ առաւ և գլուխը խոնարհեցուց:

Ապալիոս.— Լացա՛ւ: Ամբոխին մէջ կը փափսային. «Ճեսէ՛ք, ի՞նչպէս կը սիրէր զայն»: Բայց ո՛չ ոք կը համարձակէր մօտենալ. հեռուէն շրջանակ մը կազմած էին անոր բոլորափը, ինչպէս երկիւզալի մէկումը շուրջը...

Սիլանոս.— «Վե՛ր առէք քարը», ըստ Նազովրեցին, և երկու մարդիկ յառաջացան դէպի գերեզմանը:

Ապակիոս. — Կը մոռնաք որ այս միջոցին մեռեած լին քոյրերէն մէկը, վշտահար և արցունքոտ աչքերով, բոնեց նազովրեցին թեւէն, և ըսաւ. «Տէ՛ր, արդէն հոտած է, որովհետեւ չորս օրէ ի վեր թաղուած է»: Նազովրեցին պատասխանեց, (իր խօսքերէն ոչ մէկ բառ մոռցած եմ). «Ես ձեզի չըսի՞ որ եթէ հաւատաք, պիտի տեսնէք Աստուծոյ փառքը: Վերցուացէ՛ք քարը»:

Մարիամ Մագդաղենացի. — Ո՞վ է Ղազարոսի այդ քոյրը: Սիմոնի կի՞նն է:

Սիլանոս. — Ո՛չ, միւսն է որ Մարիամ կը կոչուի, և երբ թեթանիա գայ, բնաւ չի հեռանար նազովրեցին:

Մարիամ Մագդաղենացի. — Մանկամա՞րդ է:

Սիլանոս. — Սիմոնի կնոջմէն աւելի երիտասարդ է:

Մարիամ Մագդաղենացի. — Տեսա՞ք զայն, կը ճանչնա՞ք...

Սիլանոս. — Մէկէ աւելի անգամներ խօսած եմ հետը: Գալով քարին որ շատ խոչոր էր, տափակ և ներքնակողմէն կնքուած, երկու մարդիկը նետուեցան անոր վրայ լծակներով. քարը նախ դիմադրեց, յետոյ յանկարծ ամբողջութեամբ ինկաւ վար:

Ապակիոս. — Շատ մօտիկն էինք. մեր նայուածք ները շեղակի կը միրճէին քարանձաւին մէջ: Յանուն բոլոր աստուածներուն, որ երկինքէն կը կառավարեն երկիրն և մարդիկը, կ'երդնում թէ այդ վայրկեանին մահուան սոսկալի շունչին հպումը զգացի դէմքիս վրայ...

Մարիամ Մագդաղենացի. — Մեռելը տեսա՞ք...

Ապակիոս. — Ինչպէս ձեղ կը տեսնեմ, տիկին:

Վերոս. — Զեմ հասկնար թէ ինչո՞ւ կը շահազրդուիք այս բաներուն, որ տեղի կ'ունենան ան-

կապակից և յիմար երկրի մը մէջ, ուր ամէն ինչ կախարդանք է, կոպիտ պատրանք և բարբարոս ստախոսութիւն...

Ապակիոս. — Յանուն Հատէսի և Պերսեփոնի, ինչ որ զգացին մեր զգայարանքները, երբէք չունէր երեւութային հանգամանք... Մազ մնաց որ կոնակի վրայ իշնայինք... Դիակը հոն էր, անյագ լոյսին տակ որ կը լափէր նկուղը, պառկած արձանի պէս անշարժ, տձեւ, սեղմուած պատաժներով, դէմքը ծածկուած վարչամակով մը: Ամբոխը, կիսաշրջանակածեւ բոլորուած, անդիմադրելի կերպով մղուած և ետ ետ քըշուած, կը հակէր, կ'երկնցնէր իր հազարաւոր վիղերը, առանց մօտենալ համարձակելու: Նազովրեցին միայն յառաջակողմը կեցած էր: Զեռքը վեր առաւ, քանի մը բառեր ըսաւ, զոր չկրցայ լսել, յետոյ այնպիսի ձայնով մը որուն հմայիչ, գերբնական ուժը չպիտի մոռնամբ բնաւ, դիակին ուղղելով խօսքը՝ դոչեց. — «Ղազարո՞ս, դուրս ելի՛ր»:

Մարիամ Մագդաղենացի. — Ելա՞ւ...

Ապակիոս. — Ուրիշ ձայն չէր լսուեր եթէ ոչ աղմուկը հովին որ կը շարժէր ամբոխին հագուստները, և բզզիւնը ճանճերուն որ խոնուած էին գերեզմանին վրայ: Բոլոր ակնարկները այն աստիճան սեւեռած էին դիակին վրայ, որ նշմարել կը կարծէի անոնց անշարժ ճառագայթները, ինչպէս արեւու ճառագայթները կը տեսնուին մութ սենեակի մը մէջ... Յանկարծ բացուց, յստակ, ահաբեկիչ, գերմարդկային երեւոյթ մը պարզուեցաւ: Մեռեալը՝ հնազանդելով՝ յամրօրէն ծոեցաւ, յետոյ՝ իր սրունքները կաշկանդող պատաժ ները ճարճատելով՝ ոտքի կանգնեցաւ, քարի մը պէս, ձեփի ճերմակ, թեւերը կապուած և գլուխը քողարս կուած, մանր, զրեթէ աննշմարելի քայլերով, լոյսէն

առաջնորդուած, գերեզմանէն դուրս ելաւ: Սարսաւիահար ամբոխը ետ ետ կը քաշուէր, առանց կարենալու ակնարկը անդին դարձնել: «Բակեցէք և թողէք որ երթայ» ըստ Նազովրեցին: Եւ մեռելին երկու քոյրերը, մարդկային ցանկապատէն զատուելով, դէպիրենց եղբայրը վազեցին:

Մարիամ Մագդաղենացի. — Ա՞ն...

Ապահոս. — Կը գեղեւէր, կը դանդաշէր ամէն քայլափոխի:

Մարիամ Մագդաղենացի. — Բայց Նազովրեցին:

Ապահոս. — Առանց բառ մը ըսելու հեռացաւ, և Սիմոնի տունը քաշուեցաւ:

Վերոս. — Մեռելը, ի՞նչպէս էր...

Ապահոս. — Երկու քոյրերը՝ ապշահար և մտաւ մոլոր՝ մեքենաբար, կուրօրէն, կարծես խարխափելով կը քակէին պատանքը և պատաները, յետոյ բռնելով մեռելը և քալելու համար անոր օդնելով նոյն տունը տարին: Ամբոխը նայուած քով միայն կը համարձակէր անոր հետեւիլ: Ո՛չ մէկը բառ մը չէր համեր բերնէն. Քոյրերն ալ չէին խօսիր մեռելին հետ:

Մարիամ Մագդաղենացի. — Նազովրեցին, զայն տեսնող եղաւ նորէն:

Սիլանոս. — Սիմոնի տունէն դուրս չելաւ, ամբոխը՝ ակեծուփ՝ կը սպասէ մրգաստանին մէջ և ճամբաներուն վրայ, որովհետեւ ապշութեան առաջին և երկար վայրկեաններէն ետքը, անակնկալ հակազդեցութիւն մը տեղի ունեցաւ:

Ապահոս. — Ասիկա այնքան արտասովոր եղաւ, որքան նոյն ինքն հրաշքը: Ամբոխին մէջ շրջան ըրաւ ուրախութիւն մը՝ նախ շփոթ և գրեթէ համր, կազմուած տեսակ մը մրմունջէ, որ վարանոտ է և կը խարխափի: Յետոյ, աննկարագրելի խանդավառութիւն

յառաջ եկաւ բազմութեան մէջ, կարծես ճշմարտութիւնը յանկարծ պայթած ըլլար երկնքին ատկ: Այն ատեն անճանաչելի աղաղակներ էին որ կ'արձակուէին: Կիները, տղաքները, և մանաւանդ ծերերը, մոլեգին կը գոչէին: Կարծես ունակոխ կ'ընէին մահը, որուն յաղթած էր աստուած մը, և զոր գետին պառկեցուցած էր, առաջին անգամը ըլլալով մարդուն գոյութիւն ունենալէն ի վեր: Այս վայրկենին իսկ, գերեղմաններու շուրջը գտնուող ամբողջ երկրին մէջ կը տիրէ խանդավառութիւն մը՝ անըմբռնելի, վժանդաւոր: Հերակլէս վկայ, եթէ անվտանգ աղատուեցանք մենք, իմ ամէնէն վատթար թշնամիիս խորհուրդ չպատի տայի հոռմէական պատմուանով և զինեալ համազգեստով անոնց երեւալու փորձ մ'ընել:

Վերոս. — Այս է ամէնը:

Ապահոս. — Սւելի ի՞նչ կ'ուզես:

Վերոս. — Կ'ուզէի գիտնալ թէ ի՞նչ կ'ապացուցանէ ասիկա:

Ապահոս. — Այն կ'ապացուցանէ թէ՝ այս մարդը որ մահուան յաղթեց, մինչ մահն էր որ ցարդ յաղթած էր աշխարհի, մեզմէ և աստուածներէն ալ աւելի մեծ է: Հարկ է ուրեմն, որ լսենք ինչ որ ունի մեզի ըսելիք, և մեր կեանքը անոր պատշաճեցնենք:

Սիլանոս. — Ես իմ կեանքս անոր կը պատշաճեցնեմ, Ապահոս, եթէ իր սորվեցուցածը լաւագոյն է քան ինչ որ ես սորված եմ: Գերեզմանին խորէն մեռել մը արթնցնելով, մեզի կը ցուցնէ թէ մեր տէրերէն աւելի՝ մեծ ոյժ մը ունի, բայց ոչ՝ անողոմիշ աւելի իմաստութիւն. խաղաղ հոգիով սպասենք: Նոյն իսկ տղու մը համար գժուար չէ նշմարել խօսքերու մէջ ինչ որ կ'աւելցնէ կամ կը նուազեցնէ առաքինութեան սէրը: Եթէ կարենայ զիս համոզել թէ մինչեւ

այսօր գէշ ապրած եմ, ինքդինքս պիտի սրբագրեմ, որովհետեւ ճշմարտութիւնը միայն կը փնտռեմ. բայց եթէ մահուան ձորին մէջ գտնուող բոլոր մեռելները ելեն իրենց գերեզմաններէն անոր անունով հաստատելու համար ճշմարտութիւն մը որ իմ զիտագծէս նուազ բարձր ըլլար, չպիտի հաւատայի անոնց: Մեռելները քնանան թէ արթննան, իմ մտածումիս առարկայ պիտի կրնան ըլլալ այն ատեն միայն, երբ ինծի սորվեցնեն լաւագոյն գործածութիւն մը ընել իմ կեանքիս:

Մարիամ Մագդաղենացի, (Մարտունով). Մտի՛կ ըրէք...

Վերոս.— Ի՞նչ է ան...

Ապահոս.— Քարերու գլորումը կը լսեմ:

Վերոս.— Կարծես ամբոխի մը խուլ աղմուկն է:

Մարիամ Մագդաղենացի.— Կուգա՛յ...

Ապահոս, (Անդաստակին դեպի առաջին սիւները երբալով).— Այս տեղէն կ'երեւայ առաջին բակին ըրջապատը: Կը տեսնեմ զանոնք:

Մարիամ Մագդաղենացի, (Տժգոյն, դեղեւկոս, քահի մը քայլ կ'առնե դեպի անդաստակին խորը, եւ հեռուն կը դիտէ). Այո՛...

Ապահոս.— Շրջապատուած են փոշիի ամպով մը: Երկու երեք հազար հոգի կան, մուտքին առջեւ խըռանուած... կարծեմ թէ գերեզմանին շուրջը գտնուող ներն են...

Վերոս.— Զպիտի համարձակէին...

Մարիամ Մագդաղենացի.— Վերո՛ս...

Վերոս.— Մի՛ վախնար, Մագդաղինէ՛, այս անգամ միայն ե՛ս պիտի պաշտպանեմ քեզ...

Ապահոս.— Հեռուէն կը հետեւին ճերմակներ հաղած մարդու մը որ բակը կը մտնէ...

Վերոս.— Ի՞նչ կ'ընէ ուրեմն առաջին ըրջապատի դոնապանը... Զի՞ բռներ զայն... Ապահոս.— Այո՛... ահա՝ կը մօտենայ... ի՞նչ կ'ընէ... կը թուի թէ կը վախնայ... յանկարծ կանդ կ'առնէ, և առանց բան մը ըսելու կը թողու որ անցնի...

Վերոս.— Միւսներն ալ անոր կը հետեւին... երկրորդ բակը կը մտնեն: Իրաւ որ հաւատալու բան չէ այս Հրեաներու աներեսութիւնը, բայց Սատուռանական տօներուն Հռոմի մէջ թոյլ չպիտի արուէր որ ամբոխը գայ այսպէս խուժէ... ի՞նչ կ'ընէն գերիները...

Մարիամ Մագդաղենացի.— Ա՛ն է...

Սիլանոս.— Ո՞վ:

Մարիամ Մագդաղենացի.— Նազովրեցի՞ն...

Սիլանոս.— Զեմ կարծեր... Անոր քալուած քը չէ... կը կարծեմ մանաւանդ թէ...

Ապահոս.— Սօսիներու ծառուղին եկաւ:

Սիլանոս.— Շիտակ մեզի կուգայ:

Վերոս.— Եւ նոյնիսկ, կարձ ճամբէն: Ճօսախենիի հովանուտին տակի սանդղաստիճաններէն վեր կ'եւլէ... կարծես իր տանը մէջ ըլլար... բարեբախտաբար գերիները ամէն կողմէ կը վագեն՝ անդաստակին մուտքը գոցելու համար իր առջեւ:

Մարիամ Մագդաղենացի.— Լոէ՛, կը պաղատիմ:

Վերոս.— Բայց ի՞նչ ունիս...


Ապահոս.— Կը յառաջանայ. սոսկալի կերպով տժգոյն է...

Սիլանոս.— Կարծեմ թէ անիկա...

Մարիամ Մագդաղենացի.— Ո՞վ...

Սիլանոս.— Միւսն է... Այն զոր նազովրեցին գերեզմանէն հանեց...

Մարիամ Մագդաղենացի. — Դազարո՞ս...  
Սիլանու. — Այո՛, կը ճանչնամ զայն...  
Վերու. — Ի՞նչ կ'ուզէ մեզմէ: Այսպէս օր ցորե՛  
Կով ուրուականները չեն պտացներ... Զարհուրելի՛ է:



ՄԱՐԻԱՄ ՄԱԳԴԱՂԵՆԱՅԻ  
ՃԵՄԱՆՈՒՄ ՄԱԳԴԱՂԵՆԱՅԻ  
ՎԵՐՈՒ. — ԴԱԶԱՐՈ՞Ս. — ՎԱՐԴԱՐՈՒ. — ՃԵՄԱՆՈՒՄ ԼՈՒՐԴԱՎԱԼԵՐՈՒ. ԿՈՎ ՈՒՐՈՎԱԿԱՆՆԵՐԸ.

Մարիամ Մագդաղենացի. — Բայց, լոէ՛... լոէ՛  
Կ'ըսեմ...  
Սիլանու. — Ահաւասիկ...:



### ՏԵՍԱԲԱՐՆ ԵՐՐՈՐԴ

ՆՈՅՆԻ ԵՒ ՀԱՅԱՐՈՋ

Անդասակին խորը՝ գերիներ: Աւելի հեռուն՝ Հրեա  
ամբոխը, որ աւելի՛ կը զուշակու՞ր խան կը նրե-  
մարուի: Խոր լուրին, հեռուեն, խորէն կը տես-  
նուի Դազարոսի յառաջանալը յամրօնէն: Նուրքը  
գտնուած ոչ մեկ բանի կը նայի: Վիլլային գերի-  
ները, վերջին սիւներուն մեզտեղէն վազելով կու-  
զան եւ պահ մը կը խմբուին, կարծես անոր  
անցքը խափանելու համար: Բայց երբ կը մօսենայ  
Յարուցեալը, որ անոնց ներկայուրիւնն անգիտանալ  
կը բուի, կը բաւուին լոին եւ յաջորդաբար: Դա-  
զարոս անդասակին խորէն կը մտնէ եւ կանգ  
կ'առնէ երեխ սանդղամատ բարձր սեմին առջև: Մարիամ Մագդաղենացի ես կ'ընկրկի մինչեւ յա-  
ռաջակողմի սիւներէն մեկը որուն կը բաղիսի՝  
ընկնուած, անօարծ: Բայց Վերու, լուրիներ  
խզելով եւ ձեռքը սուրին երախակալին վրայ, կը  
մօսենայ Դազարոսի:

Վերու (բիւր ձայնով մը). — Ո՞վ էք դուք. (Դա-  
զարոս չի պատասխաներ... Ար-  
դարեւ աւելի գիւրին է լուռթեամբ ծածկել ինչ որ  
մարդ չի համարձակիր խստավանիլ: Բայց եթէ մեզի  
ըսելիք մը չունիք, հոս ալ ընելիք մը չունիք: Բա-  
րեբախտ էք որ իմ գութս կը յաղթէ զայրոյթիս:  
Գացէ՛ք:

(Խոր եւ խորունկ լուրինեն):

Ղազարոս, (Զայնով մը որ տակաւին մարդկային բլլալ չի բուիր, Մարիամ Մագդաղենացիի ուղղելով).— Եկուր, Վարդապետը կը կանչէ քեզ:

Մարիամ Մագդաղենացի կը հեռանայ սիւնեն որուն կրթնած եր, եւ Ղազարոսի մօսենալու համար, ֆեկածի մը նման չորս հինգ քայլ կ'առնէ:

Վերոս (նամբան կտրելով).— Ո՞ւր կ'երթաս:

Մարիամ Մագդաղենացի (Դժուարաւ ինքնագիտակցութեան գալով, խոդուկ, վարանոս ձայնով մը, զոր ի զուր կ'աշխատի հաստատուն ցուցնել).— Ո՞ւր որ Ան կ'ուզէ...

Վերոս.— Ո՞չ, ցորչափ ես հոս եմ...

Մարիամ Մագդաղենացի, (Զդաձգօրէն ինալով Վերոսի թեւերուն մէջ).— Վերո՞ս:

Վերոս. (Ուժգին սեղմելով զայն).— Մի՛ վախսա՞ր ոչ ոք պիտի կրնայ հասնիլ քեզի՝ այս թեւերուն մէջ որ կը փակուին քու վրայ: Այս երկրին յիշարութիւնը աւելի վարակիչ կը թուի քան իր ժանտախտը, և աւելի՛ տեւական քան իր բորոտութիւնը, բայց հոսմէական ողջմուռթիւնը չի դանդաղեր գերեզմանէ մը ելած զզուելի շունչէ մը: Հիմա վերջ կուտանք: (Ղազարոսին).— Քեզի չպիտի դպիմ իմ սուրովս: ան կը խորշի դիակներէն, նոյնիսկ երբ անոնք կը քալեն և քու ըրած արհեստդ ի գործ կը զնեն: Գերիներուն գործն է քեզի ցուցնել այն ճամբան որ նորէն գերեզման կը տանի: Ո՞ւր են գերիները: Բայց մեկնելէ առաջ լաւ զիտէ ասիկա, և ըսէ քու տիրոջդ թէ այն կինը որուն կը ցանկայ, (աստուածները վկայ, թէ ո՞չ ճաշակը և ոչ յանդինութիւնը կը պակսի իրեն) ապաստան վնտուած է այս բազուկներուն մէջ, որոնք պիտի զիտանան զայն պաշտպանել իր բարբարոսի կախարդանքին և տղայական հմայքներուն դէմ: Մանաւանդ, հաղորդէ իրեն ինչ որ պիտի ըսեմ: պիտի հաս-


կնայ թերեւս. իր կեանքը, որ երկարատեւ չպիտի ըլլայ այս ըրածներէն ետքը, ամբողջովին կը գտնուի այս ձեռքին մէջ որ քեզ կը վռնտէ... Հսելիքս ըսի: Գնա՛. Մագդաղինէ չպիտի հետեւի քեզի.

Մարիամ Մագդաղենացի, (Փորձելով ինքնինքն ազատ Վերոսի սեղմումն, մինչ՝ այս ճիգին մէջ՝ կը բակուին մազերը որ կը փայլին ուսերուն վրայ).— Ա՛յս, պիտի երթամ:

Վերոս (Բոնի զայն չբողլով).— Ի՞նչ ըսել է այս... Կ'ուզեմ ուրեմն... (Մարիամ Մագդաղենացի հաստական նօան մը կ'ընէ): Զեմ հասկնար... Կամ լաւ աւական նօան մը կ'ընէ: Զեմ հասկնամ... Դուք համաձայնած էիք, և զուն անո՞ր կը սպասէիր, այն անհամբերութեամբ որ շա՞տ քաղցր կը թուէր ինծի: Որովհետեւ ուրեմն չաւատար որ Հրէաստանի ամէնէն գեղեցիկ, ամէնէն հարուստ, ամէնէն հպարտ կինը, առանց նախապէս համաձայնած ըլլալու, այսգէս, հընազանդէր՝ առաջին բառին և առաջին՝ նշանին կոշտ և զազրելի պատուիրակի մը, զոր իրեն կը զրէ կեանզազրելի պատուիրակի մը... Զաքին մէջ մէկ անգամ միայն տեսած մարդ մը... Զափէն աւելի է այս... կը տեսնեմ, զիտեմ, զնա՛, հետեւէ իրեն, քանի որ կը սիրես զայն:

Մարիամ Մագդաղենացի.— Ո՞չ, ո՞չ... քե՞զ է որ կը սիրեմ, բայց Ա՛ն...

Վերոս.— Ի՞նց ա՞ն: Մարիամ Մագդաղենացի, (Հեծիլտալով Վերոսի ոչերուն տակ).— Ա՛ն, ուրիշ բան է: Վերոս.— Լա՛ւ, ոտքի՛ ելիր... բռնի վար չեմ դներ քեզ... բայց չէի կարծեր որ այդ աստիճանին իջած ես... Ես ձեր հրէական մէկ ծուզակին մէջ ինչ- կայ... կը տեսնեմ սա ամբոխը, որ կը սպասէ անդաստակին վարը, հսկելով իր պատանդներուն վրայ... ՄԱՐԻԱՄ ՄԱԳԴԱՂԵՆԱՅԻ



ԱՊՊԻՈՍ ՄԻԼԱՆՈՍ ԴԱՁԱՐՈՍ

ՄԱՐԻԱՄ  
ՄԱԳԴԱԼԵՆԱՅԻ

ՎԵՐՈՍ

Միլանոս.—Ասիկա նոյնքան զարմանահռաշ է, որքան մեռելի մը յարութիւն առնելի:

Զեմ ուզեր պղծել այս հռոմէական տունը: Զեմ ատեր քեզ, Մադդաղինէ: սէրը իմ մէջս չի մարիր մէկ վայրկեանէն, և ես կիներէն աւելի՝ հաստատամիտ' եմ... պիտի հսկեմ քու վրայ: Գիտեմ հիմայ թէ զայն կորուստի մատնելով է որ պիտի կընամ ազատել քեզ, զոր ան կ'ուզէր կորուստի մատնել: Ան մտքէն չանցըներ թէ ինծի կը պարտէր իր կետնքը: որովհետեւ, մինչեւ հիմայ, զութէ կամ անտարբերութենէ մղուած, զսպեր էի իր գլխուն վերեւ դիզուած սպառնալիքը: Բայց քանի որ ի՞նք կուզայ կը յարձակի իմ երջանկութեանս վրայ, այդ սպառնալիքներուն կ'աւելցնեմ ծազրուած սիրոյ մը ամբողջ ծանրութիւնը: Գնա՛ ուրիմն, հիմայ, գերեզմաններու քու առաջնորդիդ հետ: Շատ չանցած պիտի տեսնուինք:

(Ղազրոս յամրաքայլ կը հեռանայ գաւիրին մէջ: Մարիամ Մազդաղենացի, առանց բառ մը ըսելու, առանց շարժումի, առանց նայուած մը նետելու, կը հեռանայ անոր ետեւեն, բոլոր ներկաներու խոր լուրեան եւ անօրդուրեան մէջ):

Ապպիոս, (Երկար լռութենէ մը եսֆ).— Մէկէ աւելի բաներ աեսանք, զոր մինչեւ այսօր չինք տեսած:

Սիլանոս.— Ճիշտ է, Ապպիոս. և ասիկա նոյնքան զարմանահրաշ է, որքան մեռելի մը յարութիւն առնելը:

ՎԱՐԱԳՈՅՑ

ԱՅՐ ԱՅՐՈՒ ԻՇԱ Ծ Գ.

Ցովսէփ Արեմաթացին տան մէջ: Վերնատունը ուր տեղի ունեցաւ վերջին ընթրիքը. Խորը պատուհաններ: Ազ եւ ձախ կողմերը դուռներ: Հըէտ-հոռմէտական ժարտարապետութիւն: Վառուած լամբարներ: Ապօիլ 6-7ի գիշերուան վերջին պահը:

**ՏԵՍԱՐԱՆ ԱՌԱ ԶԻՆ**

Նիկողիմոս, ՄԱՔՍԱԻՈՐ Դիհի, ՍԻՄՈՆ-ԲՈՐՈՏ, ՅԱՐՈՒ-  
ԽԱԱ ՂԱԶԱՐՈՍԸ, ԿԴԵՈՊԱՍ, ԶԱՔԻՈԸ, Ի ԾՆԷ ԿՈՅՐԸ, ԲԱՐՑԻ-  
ՍՔՈԸ, ԵԽԻՔՈՎԸ ԿՈՅՐԸ, ԳԵՐԳԵՍՍԱՑԻ ԴԻՒԱՀԱՐԸ, ԲԵԴՀԵԶԹԱՅՅ  
ԱՆԴԱՍԱԼՈՅԸԸ, ԹՃՇԿՈՒՄՆ ՋՐԳՈՂԱՅԱԼԸ, ԳՈՍԱՑԻ ԶԵՐՔՈՎԸ  
ՄԱՐԴԸ, ՍԻԴՈՆ ԳԵՏՐՈՍԻ ԶՈՒՇՆՉԸ, ՄԱՐԻԱՄ ԿԴԵՈՊԱՍ, ՄԱ-  
ՐԻԱՄ ՍՈՂՈՄԵ՝ Զեբեթիայի կինը, ՇՈՒՇԱՆ՝ տեռատես կինը:  
Հրաշագոթեալներ, Կուզեր, Կալեր, Կոյրեր, բորոտներ, անդա-  
մալուծներ որ իրենց բժշկուելուն կը սպասեն. աղքատներ, երկու  
երեք հանրակիներ եւն: Այս բոլորը սարսափած, շմորած են  
Յիւուսի ձերքակալուելուն եւ շրջան ընող գէշ լուրերուն  
համար: Սրահին խորը խմբուած, կը փսփսան, կը մըմնջեն: Կը  
մտնէ Մարթա՝ Ղազարոսի քոյրը:

Մարքա, (Նփորած՝ անձկութեամբ իր ուրշը նա-  
յելով). — Տեսա՛ զինքը...

(Նարծումներ, ամենի Մարքայի ուրշը կը բոլու-  
րուին):

Նիկողիմոս. — Ո՞ւր է:

Մարքամ Կդեպաս. — Զարչարեցի՞ն զինքը:

Մարքամ Սողոմէ. — Ի՞նչ կ'ըսէ:

Մարքա. — Ո՞ւր է քոյրս:

Մարքամ Կդեպաս. — Անոր մօրը հետ է, տան-  
տիրոջ սենեակը... Մայրը վիշտէն ընկճուած էր...

Մարքա, (Պատուհանի մը մօս երպալով). — Ինձի  
հետեւող չեղա՞ռ... ո՛չ, փողոցը ամայի է... երկայն  
համբայ մը կտրեցի...

Նիկողիմոս. — Ո՞ւր տեսար զայն:

Մարքա. — Աննայի պալատէն կ'ելլէր, իրեն հե-  
տեւեցայ մինչեւ կայյափայի մօտ... կ'երեւայ թէ մեզ  
կը փնտռեն... մասնաւորապէս զայրացած են յարու-  
ցեալ Ղազարսսին... ո՞ւր է:  
Նիկողիմոս, (Ղազարոսը ցուցնելով ստուերին  
մէջ). — Հոս, մեր մէջը:

Մարքա. — Կ'ուղեն ձերբակալել բոլոր անոնք որ  
իրեն կը հետեւէին... կ'ուղեն մեզ քարկոծել օրէն-  
քին համաձայն... պիտի հետապնդուին բոլոր անոնք  
որ Գալիլիայէն կուգան:

Կդեպաս. — Մենք ամէնքս ալ Գալիլիացի ենք...  
Հրաշագործեալ մը. — Ո՛չ, ես չեմ:  
Ուրիշ մը. — Ես ալ չեմ, ես Բեթանիայէն եմ:  
Բարտիմէոս. — Ես ալ Երիքովէն եմ:  
Հրաշագործեալ մը. — Աղէկ չըլլար եթէ ամէնքս  
մէկտեղ գտնեն:

Նիկողիմոս. — Ո՞ւր պիտի երթաք:  
Հրաշագործեալը. — Ո՞ւր որ ալ ըլլայ... հոսկէ  
աւելի ապահով պիտի ըլլանք:  
Ուրիշ մը. — Մեզի բնաւ չեն ճանչնար: Զիս բնաւ  
անոր հետ տեսած չեն...

Ուրիշ մը. — Զիս ալ տեսած չեն. պարզապէս զիս  
բժշկած է... մարմինս ծռած էր և շակած է:  
Ուրիշ մը. — Ես ալ մէկ անդամ միայն տեսած եմ  
զինքը, այն պահուն երբ ինծի ըսաւ. «Ելի՛ր, ա՛ռ  
անկողինդ և տունդ դնա՛»: Ես այն եմ զոր տանիքէն  
վար իջեցուցին... հիմա կը քալեմ միւս մարդոց  
նման...

(Դէպի դուռը կ'ուղղուի, եւ իրեն կը հետեւին  
իրմէ առաջ խօսող երկու հրաշագործեալները):  
Հիւանդ մը. — Իրաւունք ունին. մեզի ալ չեն  
ճանչնար... եկած էի արիւնահոսութենէ մը բժշկու-

Դու համար... ժամանակ չունեցայ անոր դպչելու: (Այս ալ դեպի դուռը կերպալ):

Մարք.— Զէ՞ք ամինար...

Հիւանդը, (Սեմին վրայ կանգ առնելով).— Ինչու ամինամ... ինչ օգուտ ունի եթէ իր բժշկածներն ալ իր պատճառով կորսուին... (կը մեկնի):

Ուրիշ հրաւագործեալ մը.— Բան մը չի կրնար ընել մեղի, քանի որ բան՝ մը չի կրնար ընել ինքն իրեն, մենք ալ բան մը չենք կրնար ընել իրեն:

Կուզ մը.— Այս', ինչու մեղի չի պաշտպաներ... շարունակ իր հօրը և հրեշտակներու վրայ կը խօսի:

Նիկողիմոս.— Որովհետեւ իր ժամանակը եկած չէ: Կուզը.— Ե՞րբ պիտի գայ իր ժամանակը... երբ շատ ուշ ըլլայ արդէն... ժամանակ չունիմ իրեն սպասելու (կը մեկնի):

Նիկողիմոս.— Անոնք որ զինքը չեն սիրեր, թող հեռանան... Մարդու Որդին պիտի գայ այն ժամուն երբ չէք յուսար:

Կղենպաս.— Իր թագաւորութիւնը այս աշխարհ էն չէ:

Կոյր մը.— Իր թագաւորութիւնը կորսուած է: Նիկողիմոս.— Ան ըսած է. «Հինգ ձնձղուկներ մէկ դանկի կը ծախուին և անոնցմէ ոչ մէկը մոռցուած չէ Աստուծմէ:»

Կղենպաս.— Ան ըսած է. «Մի՛ հոգաք, մաահու գութեան տակ մի՛ բնկառուիք...»

Նիկողիմոս.— Ան ըսած է. «Եթէ մէկը իմ պատուիրանս պահէ, երբէք մահ չպիտի տեսնէ:»

Կոյրը.— Բայց ան ըսած է նաեւ. «Թողուցէք որ մեռելները թաղեն մեռելները»: (Խարխափելով դեպի դուռը կ'երքայ եւ դուրս կ'ելլի):

Կաղ մը.— Ես կը հեռանամ, ոչ թէ վախնալուս, այլ երթալ զինքը վնասուելու համար:

Ուրիշ հաւմանդամ մը.— Ես ալ:

(Դուրս կ'ելլեն):

Բորս մը.— Ո՞վ ըսաւ որ այստեղ իրեն սպասենք:

Նիկողիմոս.— Սիմոն Պետրոս:

Բորսոր.— Ո՞ւր է այդ Սիմոն Պետրոսը, չերեւար այստեղ:

Մարք.— Քահանայապետի ապարանքին բակը, կրակին մօտ էր:

Նիկողիմոս.— Յովհաննէս...

Մարք.— Էսին թէ Աննայի ապարանքն էր:

Նիկողիմոս.— Իսկ Վարդապետը, ի՞նչ կ'ընէր երբ զինքը տեսար...

Մարք.— Բոպէ մը միայն, հազիւ նշմարեցի:

Երբ գաւիթին սիւներուն մէջտեղէն կ'անցնէր...

Խուռան ամբոխ մը զինք կը շրջապատէր...

Կղենպաս.— Քեզ տեսա՞ւ:

Մարք.— Այս', ինձի նայեցաւ:

Նիկողիմոս.— Ազատ չէր...

Մարք.— Զեռքերը շղթայուած էին... Հոռմայեցի զինուորներ կը հարուածէին զայն, որպէսզի աւելի արագ քալէ...

Մարիամ Սողոմէ.— Ո՞հ...

Կղենպաս.— Միւսները... տասներկուքները ուր են:

Մարք.— Մարդ չի դիտեր... սարսափահար եղած են... ըսուեցաւ թէ թովմաս և Յուղա Գալիւիա փախած են:

Նիկողիմոս.— Մարիամ Մագդաղենացին, տեսա՞ր զայն:

Մարք.— Ո՞չ, բայց Յակոբոս հանդիպած է ասոր, վիշտէն լսենդեցած կը թուի... կը պոռար,

հազուստները կը պատուէք և գլուխը պատերուն կը զարնէր Աննայի ապարանքին մէջ... բարապանները զայն վոնտեցին, և անկէ ի վեր յայտնի չէ թէ ի՞նչ եղած է... աղքատ մը ինծի ըսաւ թէ Հռոմէական թաղին մէջ կը թափառի:

Նիկոդիմոս.— Գիտէ՞ թէ մենք հոս ենք:

Մարք.— Այո՛, Սիմոն Պետրոս ըսաւ իրեն:

Հիւանդ մը.— Երբ հոս զայ, ա՛լ պէտք չէ թու դուրս ելէ... զժքախտութիւն պիտի հրաւ ւիրէ մեր վրայ... վտանգաւոր կին մըն է ան, և ըրածը չի գիտեր:

Հրաւագործեալ մը.— Ոտնաձայներ կան փողոցին մէջ, զէնքերու աղմուկ կը լսեմ... մեզ ձերրակալեւու կուգան... կրցողը թող փախչի... (Նիկոդիմոսին՝ որ պատուհանի մը կը մօսենալ) պատուհանին մի՛ երթաք, ձեզ կը ճանչնան...

Բարտիմէոս.— Ես կ'երթամ, ինծի չեն ճանչնար, երիքովէն եմ (զգուշութեամբ փողոց կը նայի), տաս ներկու զինուորներ են հարիւրապետի մը հետ մէկ տեղ... լուռթիւն... լոեցէ՞ք...

Նիկոդիմոս.— Կա՞նգ առին:

Բարտիմէոս.— Ո՞չ, կ'անցնին... ա՛լ փողոցը մարդ չիկայ... բայց ոչ, միւս կողմէն կուգան... աղմուկ մի՛ հանէք... կին մը և երեք այրեր են... բայց կը ճանչնամ զանոնք... Մարիամ Մագդաղենացի, Յովաէփ Արեմաթացի, Յակոբոս՝ կարծեմ, Անդրէաս և Սիմոն նախանձայոյզ...: Իրենց շուրջը կը նային... դուռը կը զարնեն... դացէք, բացէ՞ք...:



### ՏԵՍԱՐԱՆ ԵՐԿՐՈՐԴ

ՆՈՅՆՔ, ՄԱՐԻԱՄ ՄԱԳԴԱՂԵՆՈՑԻ, ՅՈՎԱԷՓ ԱՐԻՍԱԹԻ ՅԻ, ՅԱԿՈԲՈՍ, ԱՇԴՐՅԱՍ ԵՒ ՍԻՄՈՆ ՆԱԽԱՉԱՅՈՅԶ:

Մարիամ Մագդաղենացի, (Ինքինին ելած, մազերը ցան ու ցիր, ոտքերը բուփիկ, հազուսները պատրուսած).— Քանի՞ հոգի էք... պատրա՞ստ էք... ի՞նչ ըրբիք ինծի սպասելու միջոցին... Անտոնեան աշտարակէն կուզամ... զինուորական հրամանատարը Հռոմէական թաղին մէջ չէր, բայց տեսայ իր բարեկամ Ապակոսը... Եկածին պէտ մեզի պիտի զրկէ զայն... Վերսու ըսաւ թէ կարելի է զայն ազատել... չգիտեմ ի՞նչպէս... պիտի բացատրէ մեզի... Բայց եթէ Վերսու չկրնայ զայն ազատել, մենք պէտք է ընենք ատիկա... Յակոբոս և Սիմոն սուրբը ունին իրենց վերաբկուին տակ: Ո՞ւր է Պետրոս, ո՞ւր է Յովաննէս:

Մարք.— Քահանայապետի ապարանքին բակը տեսայ զանոնք:

Մարիամ Մագդաղենացի.— Հո՛ս պէտք է ըլլային... շատուոր ըլլալու ենք... այս փողոցէն, այս պատուհանին առջեւէն պիտի անցնի Պիղատոսի երթալու համար...

Նիկոդիմոս.— Ե՞րբ...

Մարիամ Մագդաղենացի.— Այս գիշեր, երկրորդ պահէն առաջ... Զեղմէ ո՞վ զէնք ունի. ո՞ւր պահած էք:

Նիկոդիմոս.— Ի՞նչ պիտի ընես սուրը...

Մարիամ Մագդաղենացի.— Զայն ազատելու համար, եթէ Վել ոս չազատէ զինքը... շատ դիւրին է, պիտի տեսնէք... պիտի թողուն որ զործենք, զիտեմ... Հռոմայեցիները չեն ուզեր զայն դատել...

Ապպիոս ըսաւ ինծի, վարանոտ են; Երբ Կայիշափայք մօտ տարին, անոր պահպանութեան համար երկու գինուոր միայն կար և տաճարի սպասաւորներ՝ գաւազանով զինուած... Եթէ հինգ վեց մարդ ունենայի... կարելի էր պահել զայն, գիտեմ թէ ո՛ւր, և պիտի ազատուէ՞ր... բայց միտ մինակ էի...

Յովակի Արիմարացի.— Մի՛ կարծեր որ այդքան գիւրին ըլլայ, Մագդաղինէ՛... ամբողջ ժողովուրդը հոն էր, քարկոծելու կազմ և պատրաստ...

Մարիամ Մագդաղենացի.— Բայց ժողովուրդը անոր կո՞ղմն է, և ամբոխը կը պաշտէ զայն... Մոռցա՞ք իր յաղթական մուտքը...

Յովակի Արիմարացի.— Սյլեւս միեւնոյնը չէ կացութիւնը... Կայիշափայի պալատին առջեւ՝ ամէնքն ալ «Մահապարտ է» կը պօռային:

Մարիամ Մագդաղենացի.— Քանի մը ծառաներ էին միայն, Փարիսեցիներ և Սաղուկեցիներ...

Յովակի Արիմարացի.— Քանի մը ծառաներ չպիտի բաւէին մինչեւ տանիքները լեցնելու ընդարձակ հրապարակ մը... Ճիշտ յաղթանակի օրուան ամբոխն էր... Ո՛չ, հաւատա՛ ինծի, Մագդաղինէ՛: Ան գիտէ թէ ինչի՛ կը բաղձայ... ուզեց ինքզինքը կորուսափ մատնել... Ամէն բան խոստովանեցաւ...

Մարիամ Մագդաղենացի.— Ի՞նչ կրնայ խոստովանած ըլլալ, քանի որ բնաւ չարիք ըրած չէ...

Յովակի Արիմարացի.— Հաստատեց թէ Ասուուծոյ Որդին է ինքը, և Հրեաներու թագաւորը:

Մարիամ Մագդաղենացի.— Ճշմարտութիւնը չէ այդ...

Յովակի Արիմարացի.— Անշուշտ. բայց լաւագոյն պիտի ըլլար որ ա՛յս գիշեր չոռչակէր ատիկա: Քահանաներուն և Հոռմայեցիներուն համար, օրէնքով պատիժի արժանի ոճիք մըն է այդ...:

Հաւմանիամ մը.— Յանցաւոր ըլլալու է անշուշտ, քանի որ ձերբակալեցին զինքը:

Նիկողիմոս.— Զենք կրնար իր ուղածէն և հրամայածէն աւելի բան մը ընել, Ան կը հրամարի ինքը զինքը պաշտպանելէ:

Մարիամ Մագդաղենացի.— Զէ՞ք տեսներ ուրեմն թէ ձեր հաւատքը, ձեր ուժը, ձեր սէ՛րը փորձելու համար է...

Նիկողիմոս.— Մէկէ աւելի անգամ նախադուշտուկած է ասիկա:

Մարիամ Մագդաղենացի.— Որովհետեւ շատ լաւ կը ճանչնար վատութիւնը անոնց որ կը յաւակնէին զինքը սիրել... Ո՛հ, մարդիկ գեղեցիկ են, հերոսնե՛ր և հպա՛րտ: Միայն այն մէկ քանիները որ չեն փասխած, անոնք որ ամէնէն քիչ կը դողդղան, ձեր մէջէն լաւագոյնները, կը վիճաբանին և կը տրամաբանե՞ն, կարծես թէ զրիւ մը ցորենի վրայ ըլլար խընդիրը, իսկ կիները կը լուն ու կուլա՞ն... Ուրեմն, դո՞ւք ի՞նչ կ'ըսէք, քոյրերս... Ժամանակը եկած չէ՞ ձեր սէրը ցուցնելու: Իսկ իրմէ բժշկուողնե՞րը, ո՞ւր են անոնք, ի՞նչ կ'ընեն: Դո՞ւք, որ կ'ուզէք փախչիլ, Բարտիմէոս կոյըրը, Երիքովինը, Սելովամի կոյըրը, ինձմէ անդին կը դարձնէք ձեր աչքերը զորս բացաւ, որովհետեւ ես կը համարձակիմ իրեն վրայ խօսիլ ձեզի: Դո՞ւն Սիմո՞ն-Բորոտ, նաեւ Սամարիոյ բորոտը, մոռցա՞ք որ իրեն հանդիպելէ առաջ մահէն աւելի ժանատանեսիլ էիք... Իմ չուրջս կը տեսնեմ միայն հընաշքներ որ կը պահութտի՞ն... ձեռքը գոսացած մարդը, Շաբաթի ջրգողեալը, Գերպեսացի դիւահարը, որ չի համարձակիր զրուխը վեր առնել... Եւ անդամաւոյներուն մէջ, Բեթհեղդայինը որ կ'աճապարէ ուղղուիլ դէպի դո՞ւռը և իր սրունքները կը դորձածէ՝

ւքելու համար միայն այն Աստուածը որ զինքը բը-  
ժըշկեց... մինչեւ իսկ անոնք, զորս գերեզմանէն  
հանեց, կը վախնա՞ն... Դիտեցէ՛ք Ղաղարոսը, ամէն-  
քէ՛ աւելի՛ տժգուներ է: Եւ սակայն, դո՛ւք տեսաք  
մահը, չօշափեցիք զայն ամբողջ չորս օր... Ուրեմն,  
մահը շա՞տ աւելի սոսկալի է քան ինչ որ կ'ըսուէր մին-  
չեւ հիմա... Պատախան չէ՞ք տար...


(Խոր լուրիթին մը):

Յովսեփ Արիմարացի.— Մտիկ ըրէ՛, Մագդաղի-  
նէ... ո՛չ քաջութիւնը կը պակսի ինծի և ոչ հաւա-  
տարմութիւնը: Հակառակ քահանաներու ունեցած զօ-  
րութեան, ես իմ տունս բացի բոլոր իրեն հետեւող-  
ներուն: Գիտեմ թէ ատիկա ի՞նչ հետեւանք պիտի  
ունենայ ինծի համար... Պատրաստ եմ անոր համար  
զոհելու ամէն ինչ և կեանքս իսկ... բայց գիտեմ իր  
կամքը, և չեմ կրնար անհնազանդ գտնուիլ իրեն...  
Պետրոս ուղեց պաշտպանել զայն և սուրբ քաշեց...  
բայց ան իր պատեանին մէջ դնել տուաւ նորէն...  
Գեթսեմանի էի...

Մարիամ Մագդաղենացի.— Քանի որ հոն էիր,  
ինչո՞ւ չօգնեցիր Պետրոսին... Մարդ իր սիրածը կ'ա-  
զատէ և յետոյ անոր խօսքին ականջ կը դնէ... Բայց  
ի՞նչ պիտի ընէք եթէ զայն կորսնցնէք... Ո՛հ, ա-  
ւելորդ է ժամավաճառ Ըլլալ վախկոտ մարդոց  
հետ... ի՞նչ կ'ընեմ ես հոս, այնպիսիներու հետ որ  
բան մը ընել չեն ուզեր... Կը կորսնցնեմ զայն ա-  
զատելու վերջին յոյսերը և վերջին վայրկեանները...  
երթամ վերոսը գտնեմ, յետոյ կը տեսնենք:

(Դեպի դուռը կ'ուղղուի. Յօվսեփ Արիմարացի եւ  
Նիկողիմոս նամբան կը կտրեն):

Նիկողիմոս.— Դուրս մի՛ եւեր, Մագդաղինէ՛,  
անո՛ր և մե՛ր ալ կորուստին պատճառ պիտի ըլլաս:



Մարիամ Մագդաղենացի. — Ո՞հ, ձե՛ր ալ կոռուստը... ահա՛ մեծագոյն խնդիրը... կեցէ՛ք...  
Նիկողիմոս. — Զպիտի ելլես.

Մարիամ Մագդաղենացի. — Զը՝ պիտի ելլեմ...  
շխակ է, կը համարձակիք ծեծկուիլ կնոջ մը հետ...  
Զէի նախատեսած սարսափի այս մեծ քաջութիւնը...  
զլուխնիդ կ'օրօրէք պարապ հասկերու պէս, և կիները  
կ'ուրախանան, երեւան հանելւզ վերջապէս այրերու  
վառութիւնը, որ յանկարծ կը յայտնուի աւելի ցայտուն կերպով քան իրենց վառութիւնը:

Յովսեփ Արքմատքացի. — Ինքզինքիդ եկուր, Մագդաղինէ՛, անո՛ր վրայ խորհէ, և եթէ քեզի լսէր...

Մարիամ Մագդաղենացի. — Լաւ, եթէ ըսածներս լսէր, այն օրուան պէս պիտի ըլլար, երբ ձեր մէջէն այն, — որուն նման էք ամենքդ ալ — կը յանդիմանէր զիս իր ոտքերուն թափած ըլլալուս համար թանկապին անուշանոտութիւն մը... Մոռցա՞ք թէինչ ըսաւ... որո՞ւ իրաւունք տուաւ: Դուք բան մը չնասկցաք... Ամիսներէ ու տարիներէ ի վեր կ'ազրիք անոր լոյժին մէջ, և ձեղմէ ոչ մէկը կըցաւ ամենափոքր զաղափար մը կազմել անկէ զոր ես ըմբռնեցի, որովհետեւ կը սիրէի զնքը, ես որ մետասաներորդ յամէն ե՞րը եկայ, ես զոր վեր բարձրացուց ձեր մէջէն ամսնան յետինին ամենէն յետին գերիէն աւելի վար աստիշ ձանէ մը:

Նիկողիմոս, (Ականջ դնելով դուրսի աղմուկի եռուն). — Լոէ՛... մտիկ ըրէ՛... ոտնաձայներ կան տանը առջին...

Բարիմեսոս, (Պատուհանին մօս). — Վերարկուի մէջ փաթթուած մարդ մըն է... Հոռմայեցի մը... կանգ կ'առնէ... դուռը կը զարնէ... ներս կը մտնէ... դուռը զոցուած չէ՛ր...

Մարիամ Մագդաղենացի, (Վերնատան դուռը բանալով). — Ա՛ն է, Լուկիոս Վերո՛ս... բացէ՛ք, շո՛ւտ բացէ՛ք... անո՛ր կը սպասեմ...  
(Վերնատան դուռը կը բացուի: Բացուածքին մէջին կ'երեւայ Լուկիոս Վերոս, որ հրաւագործեալներու, հաւմանդամներու, մուրացիկներու տարօրինակ հաւատքոյրը տեսնելով, սեմին վրայ կանգ կ'առնէ ապահար):

### ՏԵՍԱՐԱՆ ԵՐՐՈՐԴ

ՆՈՅՆՔ, ԼՈՒԿԻՈՍ ՎԵՐՈՍ

Մարիամ Մագդաղենացի, (Թեւերը պարզած դեպի Վերոս վազելով). — Դո՛ւն ես վերջապէս, իմ Վերոսս, այո՛ դուն ես... աչք մը որ շեշտակի ինձի կը նայի, սուր մը, ուսեր, ձեռք մը որ չի դողար... եկո՛ւր, եկո՛ւր, ի՞նչ պէտք է ընել... տեսա՞ր զԱյն... ի՞նչ կ'ըլլանք... ի՞նչպէս կրնանք օգնել քեզի... քանի՞ մարդու պէտք ունիս... ո՞ւր են քուկիններդ: Միայն անմեղ չէ ան, շատ լաւ գիտես. այնքա՞ն մաքուր է, ա՛յնքան բարձր, որ հոգիներու մատածումները չեն կրնար անոր հասնիլ: Ամէն բանի կը հանդուրժէ, եր բարութեամբ, աշխարհի մեղքին համար. բայց մենք չենք ուզեր բնաւ որ մեզի համար զոհուի... եր մէկ նայուածքը, մէկ խօսքը բոլոր միւս մարդոց ամբողջ կեանքը կ'արժէ... .

Վերոս, (Ցուց տեսով մը). — Այստե՞ղ է որ պիտի հանդիպէի քեզի... ո՞վ են այս... մարդիկը... որ քեզ կը շրջապատեն:

Մարիամ Մագդաղենացի. — Վստահելի են, այն-

քան կը սիրեն զԱյն, որքան Ան զիրենք կը սիրէր...  
Բայց պետի մը պէտք ունին... քեզի կը սպասէին...  
ամէն տեղ քեզի պիտի հետեւին:

Վերոս, (Հեգնութեամբ).— Ես այստեղ չեկայ  
հրամայելու համար այս... օտար խումբին: Զիտեմ  
ի՞նչ ըսել կ'ուզես. թիւրիմացութիւն մը կայ, և  
կարծեմ թէ զայն լուսաբանելու յարմար չէ այս տե-  
ղը, այնքան վկաներու մէջտեղ:

Մարիամ Մագդաղենացի.— Իրաւունք ունիս...  
(միւսներուն) մեզ առանձին ձգեցէք... ձեզի պիտի  
կանչեմ նորին, երբ գործելու ժամը գայ:

(Ա. Ինքը դուրս կ'ելլին եւ Մարիամ Մագդաղենացի մինակ կը մնայ Լուկիոս Վերոսի հետ:)



### ՏԵՍՍՐԱՆ ՉՈՐՐՈՐԴ

ԼՈՒԿԻՈՍ ՎԵՐՈՍ, ՄԱՐԻԱՄ ՄԱԳԴԱՂԵՆԱՅԻ

Լուկիոս Վերոս, (Հեգնութեամբ).— Ի՞նչ են այս  
երեւոյթները: Երրէք տեսած չէի այսչափ աղտոտ,  
հոտած հաշմանդամներու, թափառաշրջիկներու և հի-  
ւանդներու հաւաքոյթ մը: Ի՞նչ կ'ուզեն քեզմէ...  
ինծի ըսուած էր որ դուն կ'ապրիս տարօրինակ մար-  
դոց մէջտեղ, ամէնէն ծեր, տպեղ, աղտոտ և ժան-  
տահոտ մարդոց մէջ, այն Հրեաներուն զորս այնքան  
սիրուն կերպով կը ծաղրէիր իմաստուն Սիլանոսի  
տունը. բայց չպիտի կրնայի հաւատալ որ այս ասոի-  
ճան մտերմացած ըլլան քեզի հետ... իրաւ է որ ա-  
սիկա ի՞նծի չի վերաբերիր. բայց ես քեզի ըսած էի  
որ շատ չանցած պիտի տեսնուինք նորէն: Ասլ զիոս  
իմացուց ինծի թէ զիս փնտոած ես Հոռմէական թա-

ղին մէջ: Ամէն բան թողուցի և վաղեցի եկայ քու  
առաջին հրաւէրիդ վրայ: Գիտէի թէ ի՞նչ կ'անցնի  
կը դառնայ, և պատեհ ժամուն կը սպասէի:

Մարիամ Մագդաղենացի.— Ո՛րչափ բարի և վե-  
հանձն ես... քու ներկայութիւնդ, քու ժպիտդ ո՛ր-  
քան կ'ասպանզվեն և կը սրտապնդեն... եթէ գիտնա-  
ւի՛ր, միւսները... ամէնքն ալ կը դողային այն եղէ-  
զին պէս որուն վրայ կը խօսի մեր Տէրը: Ա՛լ չէի  
դիմանար և ամօթէս կը մեռնէի... բայց զիտէի թէ  
դուն պիտի զայիր...: Եւ հիմա, այո՛, դո՛ւն ես, քու  
զէնքերդ, քու կուրծքդ... ինծի կը թուի թէ ամբողջ  
Հոռմը մեզ կը պաշտպանէ, և թէ քու բազուկներդ  
որ ամէն բանի կարող են, չեն կրնար լքանել զայն:

Վերոս.— Անոնք քեզ չպիտի լքեն Մագդաղինէ':  
Մնացածը քեզմէ միայն կախում ունի... թերեւս  
բարի և վեհանձն եմ, բայց ինծի՛ յատուկ կերպով մը.  
և պէտք պիտի ըլլայ իրար հասկընալ... ձերբակա-  
լեցի՞ն ուրեմն, ինչպէս գուշակած էի, ան որ քեզ  
կը շահագրզու այդ աստիճան:

Մարիամ Մագդաղենացի.— Ո՛չ միայն զայն ձեր-  
բակալեցին, այլ և տաճարին բոլոր սպասաւորները,  
բոլոր ձիապանները, եղնարածները և խոհանոցի յե-  
տին գերիները անոր վրայ խուժեցին, թշնամանեցին,  
ծաղը ու ծանակ ըրին, խոշտանզեցի՞ն...: Եւ որով-  
հետեւ կը վախնային և չափազանց վատ էին՝ մինակ-  
նին այդ բանը ընելու համար, հոռմայեցի զինուոր-  
ներ ալ օգնութեան կանչեցին:

Վերոս.— Գիտեմ... յատակ և կարձ խօսինք,  
այնպէս չէ՞...

Մարիամ Մագդաղենացի.— Այո՛, կորսնցնելու  
ժամանակ չունինք...

ՄԱՐԻԱՄ ՄԱԳԴԱՂԵՆԱՅԻ

Վերու .— Իրաւ է որ ա՛լ խնդիրը ձերբակալութեան , կամ առաւել կամ նուազ արդարանալի չարչարանքներու վրայ չէ , այլ վերահաս մահուան վրայ : Տեսայ դատաւոր Պիղատոս Պոնտացին :

Մարիամ Մագդաղենացի .— Լա՛ւ , ի՞նչ ըսաւ :

Վերու .— Զինքը մտահոգ , շուարած , այլայլած տեսայ . Երկմիտ և խելօք մարդ մըն է , թշնամի՝ վէ ձերու և բուռն միջոցներու . հարկադրուած էր ընտրութիւն մը ընել կա՛մ քահանաներու և անոնց հետեւողներու անխուսափելի արիւնալից ըմբոստութեան , և կամ զոհուելուն ապահովաբար վրդովիչ և վտանգաւոր խոռվարարի մը , որ սակայն Հոռմի օրէնքներուն և արդարութեան համաձայն թերեւս արժանի չդատուի մահապատիժի : Ես իրեն խօսեցայ իմ պարտականութեանս և խղճիս համաձայն : Ա՛լ չվարանեցաւ . ամէնէն մարդասիրական և իմաստուն որոշումը տուաւ : Եւ որովհետեւ Հոռմէական խաղաղութեան զինեալ և պատասխանատու պահապանն եմ ես , իմ ձեռքս յանձնեց քու Նազովրեցիիդ ճակատագիրը . բայց պէտք է խոստովանիմ որ մեր տեսակցութենէն առաջ դիտմամբ թոյլատրած էի որ դէպքերը ունենան այն ընթացքը զոր բռնած են :

Մարիամ Մագդաղենացի .— Ուրեմն ազատուած է ... վստահ էի : Ո՛րքան իրաւունք ունէի բանէ մը չվախնալու և ամէն բան յուսալու , երբ ես քեզի կը դիմէի ...

Վերու .— Պէտք եղածէն աւելի շուտ առաջ չերթանք , նկատի առնելիք շատ բաներ կան :

Մարիամ Մագդաղենացի .— Ի՞նչ կ'ըսես :

Վերու .— Կ'ըսեմ թէ նկատի առնելիք շատ բաներ կան ... եթէ դէպքին բոլորովին օտար ըլլայի , իմ ընտրութիւնս տարակուաելի չէր . զայն առաւել

կամ նուազ մելքնալով հանդերձ , պիտի զոհէի այդ թշուառը , հանրային անդորրութեան համար : Կայսրութեան բարձրագոյն օրէնքն է այս : Բայց հիմա ...

Մարիամ Մագդաղենացի .— Բայց հիմա տարբեր է , կ'ընդունիս , գիտես անշուշտ ... կարելի չէ վայրկեան մը վարանիլ , հրէշային պիտի ըլլար ...

Վերու .— Յիրաւի կարելի չէ վարանիլ . հրէշային պիտի ըլլար , ինչպէս կ'ըսես ... նախապատուութիւն տրուած մրցակից մը իրեն արժանի մահապատիժէն ազատել , և կորսնցնել միակ կինը զոր կը սիրեմ , զոր կրնամ սիրել ... Բացայատ է որ կարելի չէ այդ բանը :

Մարիամ Մագդաղենացի .— Զեմ հասկնար սակայն թէ ի՞նչ կ'ըսես :

Վերու .— Եւ սակայն շատ պարզ է . զայն փրկելով՝ քեզ անպաշտպան պիտի յանձնեմ այդ աւազակին , որ իրեն հետ մէկտեղ անկումէ անկում քաշկոտելով պիտի տանի ով գիտէ ո՛ր անդունդը յիմարութեան և թշչուառութեան , ուրկէ մարդկային և բանական ուեւ չպիտի կրնայ քեզ վեր հանել : Ասկէ զատ , իմ մասիս , այս կերպով քեզ կը կորսնցնեմ անդարձ , իմ միամիտ և ապուշ ձեռքերովս յանձնելով անոր որ երջանկութիւնս կը խէ ինձմէ , այնպիսի միջոցներով որոնց գէմ չի փորձեր պայքարիլ տակաւին մարդ անունը իր վրայ կը ունէ անձ : Ընդհակառակն զինքը իր բախտին ձգելով , մէկէ աւելի հաւանականութիւն կը մնայ տեսնելու քու դարձդ դէպի լոյսը , և ինձի աւ քիչ մը յոյս՝ քեզ գտնելու իմ ճամբուս վրայ , որովհետեւ մեր երկու կեանքերը կը յուսամ թէ տակաւին երկար միջոց մը ունին կտրելու , և շատ ճամբաներ , ինչպէս գիտես , Հոռմ կը տանին :

Մարիամ Մագդաղենացի .— Կը հասկնա՞մ ... կը հասկնա՞մ , որովհետեւ պէտք է հասկնալ . բայց չեմ

հաւատար տակաւին... ո'չ, կարելի չէ այդ. եթէ կը  
ճանչնամ քեզ, որուն եկած չես ինծի ըսելու ցրտօրէն  
թէ կ'ուզես զայն կորուստի մատնել և այս կերպով  
վրէժ լուծել չարիքէ մը զոր չէ զործած... Ուրի՛շ բան  
կայ, կամ պէտք է գտնուի...

Վերու.— Եւ յիրաւի ուրի՛շ բան կայ... Եթէ  
բացարձակապէս կը պնդես, զայն աղատելու միջոց մը  
կը մնայ մեզի... Բայց այն կէտին մէջ ուր կը գըտ-  
նուինք, ուր մղեցի դէպքերը, զայն աղատելը հաւա-  
նաբար իմ կորուստ պիտի նշանակէր: Ասկէ զատ, ժա-  
մանակը կ'անցնի, վճիռը զրուած է, տեսայ: Մահուան  
պիտի ենթարկուի արեւը ծագելուն, որովհետեւ Զա-  
տիկի պատճառով ժամերը հաշուուած են:

Մարիամ Մագդաղենացի.— Ի՞նչ պէտք է ընել...  
Ճո՛ւտ, շո՛ւտ, պիտի ընեմ:

Վերու.— Բանտարկեալն պահորդները իմ մար-  
դիկս են. անկարելի չէ, ուրեմն, ի հարկին փախցնել  
զայն...

Մարիամ Մագդաղենացի.— Բայց այո՛, այո՛,  
շատ պարզ է, և ա'յս պէտք է ընել... Անզամ մը որ  
աղատուի, կը պահուըտի և զինք կը մոռնան... Բայց  
չեմ հասկընար թէ ինչո՛ւ ըսիր...

Վերու.— Հիմա կը հասկընաս: Ե՛ս եմ բանտար-  
կեալին պատասխանատուն: Դիտե՛ս թէ ի՞նչ կ'ընեմ.  
Պիտե՛ս թէ զայն աղատ թողլով ի՞նչ վտանգի կ'են-  
թարկեմ ինքզինքս:

Մարիամ Մագդաղենացի.— Բու զինուորներդ  
պիտի լոեն և մարդ չպիտի զիտնայ որ...

Վերու.— Իմ զինուորներս չեն կրնար լոել. պի-  
տի ստիպուին ընտրելու լրութիւնը կամ իրենց կեան-  
քը: Պիտի զիտցուի ուրեմն թէ անոնք իմ հրամանովս  
զործած են: Արդ, օրինակը չկայ որ քահանաներու

իշխանները լքանեն որս մը, վրէժխնդրութիւն մը;  
ատելութիւն մը: Պիտի երթան բողոքեն նախ Ան-  
տիոք, Սուրբոյ կուսակալին, յետոյ նոյնիսկ Կայսեր,  
որուն բարկութիւնը կը բորբոքի պղտիկ կասկածէ մը:  
Դիտե՛ս թէ ո'վ է Կայսրը. Հոռմի ամէնէն մեծերը,  
ամէնէն հզօրները կը դողան անոր ստուերին առջեւ...  
ինձի համար եթէ մահը չէ որ կը սպասէ, դոնէ Հոռմէն  
հեռու աքսորն է. և մահը, մեզի՝ Հոռմայեցիներուս հա-  
մար՝ քաղցր կը թուի բաղդատմբ աքսորին... Ահա'  
ինչ որ կուտամ ես, ահա' իմ զոհողութիւնս. կը  
սպասեմ քուկինիդ:

Մարիամ Մագդաղենացի.— Իմ զոհողութեա՞նս  
կը սպասես... ի՞նչ կ'ուզես որ տամ... ա՛լ բան մը  
չունիմ... նախորդ իրիկունը ամէն ինչ աղքատնե-  
րուն բաժնեցի:

Վերու.— Ես չեմ ուզեր աղքատներուն տրուա-  
ծը... և յետոյ, ա՛լ ձանձրացած եմ այս դարձուածք-  
ներէն որ բանի մը չեն առաջնորդեր, և այս անիմաստ  
բացատրութիւններէն: Ո՛հ, հոգս չէ բնաւ արդարու-  
թիւնը կամ երկրի վրայ թափառական մը աւելի կամ  
պակաս գտնուիլը. հոգս չէ նոյնիսկ իմ ճակատագիրս  
և իմ աքսորուիլս... չհասկցա՞ր ուրեմն թէ քե՛զ է  
որ կ'ուզեմ, քե՛զ միայն, քե՛զ ամբողջովին, և այս՝  
տարիներէ ի վեր. և հիմա եկած է ժամը... զիտեմ  
թէ զեղեցիկ չէ այս պահը, և այսպէս չէի երազեր  
ես... բայց ուրիշ միջոց չունիմ, և մարդ իր կեանքը  
ապահովելու համար կրցածը միայն կ'ընէ... Ահաւա-  
սիկ ուրեմն դէմ առ դէմ կը գտնուինք մեր երկու  
յիմարութիւններովը, որոնք մեզմէ աւելի հզօր են և  
չեն կրնար ընկրկիւ. հարկ է որ իրար հասկնանք...  
դուն որչափ աւելի սիրես զայն, այնքան աւելի կը  
սիրեմ ես ալ քեզ. որչափ աւելի կը բաղձաս զայն

ազատել, ես ալ այնքան աւելի կը փախաքիմ կոստուսի մատնել զինքը։ Պէտք է իրար հասկնանք... դուն անոր կեանքը կ'ուզես, ես ալ ի'մ կեանքս. զուն պիտի ունենաս անոր կեանքը, բայց ես ալ քե՛զ պիտի ունենամ, քե՛զ, անոր՝ մահուանէ ազատելէն առաջ... Հասկուեցա՞ւ..., համաձա՞յն ենք...։ «Ո՛չ ըսէ ինծի, եթէ կը համարձակիս, և թո՛ղ իր արիւնը իյնայ անոր վրայ որ զինքը առաջնորդեց հոն ուր կը գտնուինք, և զայն կորուստի կը մատնէ կրկին անդամ։

Մարիամ Մագդաղենացի.— Ո՛հ, ա՛յօ էր ուրեմն... այո՛, այո՛... գիտեմ, կը տեսնեմ. գիտակցութիւնը չունէի... ա՛լ չէի մտածեր ատոր վրայ, բայց անկարելի էր... Ո՛հ, ա՛յս էր ուրեմն պատճառը որ այս վայրկեանին իսկ երբ դուն կը խօսէիր, վստահութիւն չէի զգար, հակառակ վստահութեա՞նս... Ա՛յնքան տարօրինակ է այս, ա՛յնքան հրէշային, ա՛յնքան հեռու մեզմէ... Քիչ մը ժամանակի պէտք կայ որպէս զի կարելի ըլլայ հասկնալ... մտածումները կը շմորին և հոգին կ'իյնայ, կ'իյնա՛յ, փոսին մէջ իյնող քարի մը նման... Ա՛լ բան մը կարելի չէ ըմբռնել, ա՛լ չգիտեմ թէ ո՛ւր կը գտնուիմ...։

Վերոս.— Ես գիտեմ կատարելապէս, և այս ամէնուն մէջ արտասովոր բան մը չկայ... քանի մը որ առաջ այնքան աղաչել չպիտի տալիր, և չեմ հասկընար թէ այսօր որ սիրոյ գինը բոլորովին տարբեր է, այսօր որ քեզի ամէնէն աւելի սիրելի կեանք մը...։

Մարիամ Մագդաղենացի.— Ո՛հ, դուն չե՛ս հասկընար... և ըսե՛լ որ գրեթէ բոլո՛րը, նոյնիսկ զինքը սիրողները չպիտի կրնային հասկնալ... ուրեմն ես միակ ա՞նձն եմ որ տեսայ անոր հոգիին մէջ...։ Եւ սակայն շատ դժուարին բան մը չէր... կեանքին մէջ երեք անդամ միայն խօսեցաւ ինծի, բայց գիտեմ թէ

ի՞նչ կը խորհի Ան, գիտեմ բոլոր ինչ որ կ'ուզէ, գիտեմ ինչ որ է Ան, այնքան խորապէս որքան եթէ ես Անոր մէջ ըլլայի, կամ Ան հոս ըլլար, իմ մօտս, ճակտիս վրայ յառելով նայուածքը ուր հրեշտակներ կ'իջնեն, այն իրիկուան պէս երբ ես ոտքերը կը համբուրէի և մազերովս կը սրբէի։

Վերոս.— Գիտէի թէ շատ ուշ կը հասնիմ... բայց չէի յուսար որ այսքան հեռուն գացած ըլլաք. Նթէ քեզի երեք անգամ միայն խօսեցաւ, ուրեմն վայրկեանները պարապ չանցուց, և բաւական բան ըսաւ կասկածներս հաստատելու համար... Բայց պառզիւն ըլլանք։ Սիրոյ վրայ չէ խնդիրը, և քու սիրահարդ իսկ, եթէ խորհուրդ հարցուէր իրեն, կարծիք պիտի յայտնէր թէ համբոյր մը ծանր չի կշռեր մասհուան հանդէպ...։ Քանի որ այնքան կը սիրես զինքը, իր կեանքը չարժե՞ր թեթեւ տհաճութիւն մը որ ժամանակաւ քեզի նուազ սարսափ կ'ազդէր. Եթէ այս սրահին մէջ հայելի մը ըլլար, պիտի երթայի ինքինքս գիտելու հետաքրքրութեամբ, հասկնալու համար թէ քանի մը օրէ ի վեր ի՞նչ բան այնքան անհաճոյ ըրած է զիս, որ լաւագոյն կը համարուի պաշտուած միակ մարդուն չարչարանքը, քան իմ շրթունքիս հպումը...։ Բայց ի՞նչ ունիս... կարծես անըմբռնելի բաներու վրայ կը խօսիմ քեզի...։ Ի՞նչ ըսի, ի՞նչ ըրի... դէմքդ աւրուեցաւ, պատճառ մը չկայ որ ինծի նացիս այսպէս սարսափահար և յիմար աչքերով, կարծես ականատես ըլլային անւնք արեւուն անկումին կամ գերեզմանի մը բռնաբարուելուն...։

Մարիամ Մագդաղենացի.— Թո՛ղ զիս... չես կրնար գիտնալ... հիմա՛ միայն կը սկսիմ հասկնալ։

Վերոս.— Քանի մը օր առաջ աւելի շուտ կը հասկնայիր...։

Մարիամ Մագդաղենացի, (Քաղցր եւ հեռաւոր

ձայնով մը). — Այս', այս'... մարդ կամաց կամաց կը տեսնէ... (նայուածիլ իր առջին յառելով) ասիկա յամրօրէն կը կատարուի այնպիսի բանի մը պէս որ չունի ո՛չ սկիզբ, ո՛չ վերջ, ոչ ալ անուն... Երկու մահեր կան, երկու մահեր ունիմ ձեռքիս մէջ, և ասիկա խիստ ծանր է աշխալ հիս վրայ ծնող խեղճ էաւ կի մը համար:

Վերու. — Երկու մահեր... ի՞նչ ըսել կ'ուզես... զիտում չունի՞ս իրեն հետեւելու... քանի որ անքեզ կը սիրէ, քու մահդ անօգուտ դառնութիւն մը միայն պիտի աւելցնէր իր մահուան վրայ:

Մարիամ Մագդաղենացի, (Միեւնոյն ժաղց եւ հեռաւոր ձայնով). — Ո՛չ... իմ մահուանս վրայ չէ որ կը խօսիմ... երկու ուրիշ մահեր են... յստակօրէն կը տեսնեմ անդունդին մէջ... թող որ նայիմ հոն ուր դուն բան մը չես կրնար տեսնել...

Վերու. — Չէի կարծեր որ քեզի բերելով անսր փրկութիւնը և սիրոյ համար իմ ըրած բաւական մեծ զոհողութիւնս...

Մարիամ Մագդաղենացի, (Պոռքալով). — Սիրոյ համար ըրած զոհողութիւնդ... Ո՛հ, եթէ զուն կարենայի՞ր տեսնել այն անձնազոհութիւնը որ կը կատարուի այստեղ և որուն հրեշտակներն անդամ չեն համարձակիր նայիլ...: Բայց զուն չես կրնար գիտնալ ինչ որ կատարուած է երկրի վրայ Անոր գալէն ի վեր...: Ա՛լ միեւնոյն երկիրը չէ, և այլեւս կարելի չէ որ... Իրմէ առաջ ամէնչն մաքուրները չպիտի վարանէին... Իրմէ առա՛ջ, Իրմէ առա՛ջ... և այսօր իսկ, ես որ իր չնորհիւ վերստին ծնայ, եթէ չըլլար ինքը, եթէ ուրիշի մը վրայ ըլլար խնդիրը, ուժ չպիտի ունենայի... պիտի մեղանչի զուցէ բոլոր իր սիրածներուն դէմ, աղատելու համար ինչ որ կը սիրեմ: Բայց Ան մեծ ուժ մը կուտայ սիրելու և տառապելու

համար. պիտի կրնայի զինքը ազատել հակառակ իրեն, բայց ոչ երբէք հակառակ ինծի... եթէ իր կեանքը ձեռք բերէի քու ըսած զինովդ. Անիկա պիտի ապրէր միայն՝ իր բոլոր սիրածներուն մահուան զնով... Բոզը ցեխին մէջ չեմ կրնար թաղել՝ լամբարին խնայելու համար... Չեմ կրնար Անոր տալ միակ մահը որ բաւական բարձր ըլլայ իրեն հասնելու համար... Բայց, ինծի նայէ աւելի յստակ աչքերով և թերեւս պիտի տեսնես բոլոր ինչ որ կը տեսնեմ ես, առանց կարենալու զայն բացատրել... Թող վայրկեան մը ես տեղի տամ սիրոյ նժարին տակ, և բոլոր ինչ որ ըստ Ան, բոլոր ինչ որ ըրաւ, բոլոր ինչ որ տուաւ, կ'իշնան խաւարին մէջ. երկիրը աւելի ամայի կը դառնայ քան եթէ ծնած չըլլար Ան, և երկինքը ցմիշտ կը փակուի մարդոց համար... զԱյն կը կորսնցնեմ ամբողջովին, իրմէ աւելի՛ բան մը կը կորսնցնեմ, իրեն շահիլ տալու համար ամէն ինչ կորուստի մատնող օրեր...

Վերու. — Խնդիրը իրեն քանի մը օրեր շահիլ տալու վրայ չէ այնքան, որքան ինչպայի չարչարանքներ, տառապանք մը որուն գաղափարը միայն պէտք է մտածել տար քեզի:

Մարիամ Մագդաղենացի. — Գիտեմ, գիտեմ, քանի որ զԱյն կը սիրեմ այնպէս, ինչպէս որ մէկը չէ սիրած տակաւին այս աշխարհի վրայ, ուր երկինք տակաւին սիրած չէր իր սէրը. պէտք չէ՞ր որ ես ալ իրեն զոհեմ ինչ որ ուէ մարդկային էակ ըրած չէր ինձմէ առաջ... Բայց զուն կը պահանջես ամէն ինչ որ տուած է Ան. ինչ որ Ան տուած է իր կեանքէն աւելի բան մըն է, և կ'ապրի մեր սիրածներուն մէջ աւելի քան ինչ որ կ'ապրի Անոր մէջ... եթէ ես զԱյնիկա կորսնցնեմ իմ մէջս, քանդած կ'ըլլամ զինքը

մեր մէջը... Ա'լ չեմ զիտեր, ա'լ չեմ տեսներ, ա'լ չեմ լսեր, պիտի ընէի գուցէ եթէ հողիս մինակ ըլւար, բայց այլեւս կարելի չէ, և Աստուած չպիտի ուզէր...

Վերու.— Աստուածները միշտ կ'ուզեն ինչ որ մարդիկ կ'ուզեն... Վատահ եղիր որ եթէ այն զոր զուն չարչարանքի կը մատնես, կարենար այս վարկեանին իր ձայնը լսելի ընել, չպիտի վարանէր բնաւ...

Մարիամ Մագդաղենացի.— Ո՞հ, զիտեմ թէ չպիտի վարանէր, Եւ անո՞ր համար է որ այսպէս կը պայքարիմ երկու զոհողութիւններու մէջտեղ, կոյր անառունի մը պէս... Անցեալի ամօթս է որ կ'ընկէ զիս և արգելք կ'ըլլայ ինձ բարձրանալու մինչեւ իր կամքը...

Վերու.— Մարդ մէկ կամք միայն կ'ունենայ մահուան հանդէպ...

Մարիամ Մագդաղենացի.— Աստուած իմ, Աստուած իմ... ոչինչ եմ ես, աղտոտուած եմ աշխարհի բոլոր աղտոտութիւններով. ի՞նչ նշանակութիւն ունի այն որ կեանքը կը բերէ քեզի... Բայց իմ վրա՞յ է ինդիրը... Միայն քեզ չէ, բոլոր մաքրութիւններուն, բոլոր երջանկութիւններուն, բոլո՞ր կեանքերու աղբիւներուն աղբիւրը չէ որ կ'աղտոտեմ այսօր, աղտոտելով քու փրկութիւնդ... Ա'լ չգիտեմ ո՞ւր ծածկեմ իմ հողիս... եթէ զայն կորսնցնեմ, բան մը չի մնար ինծի. բա՞ն մը չի մնար մեզի՝ եթէ զայն աղատեմ:

Վերու.— Ոչինչ կորսուած է ցորչափ կեանքը կայ:

Մարիամ Մագդաղենացի.— Լոէ՛, կ'աղաչեմ... առանձին թող զիս իր լոռութեանը և իր կամքին մէջ: Թո՞ղ որ դիտեմ, ունկնդրեմ ուրի՛շ բան մը... Տաշկաւին չեմ սիրեր զինքը այնպէս ինչպէս կ'ուզէ որ

զինքը սիրեմ... ի զուր աչքերս կը բարձրացնեմ դէպ իր լոյսի երկինքը: իր մահը միայն կը տեսնեմ, իր ցաւերը, իր չարչարանքը... իր անշարժ դէմքը, իր աչքերը որ կը լուսաւորէին բոլոր այն բանները որոնց կը նայէր, իր բերանը որ անդադար երջանկուաթեան վրայ կը խօսէր, իր ոտքերը — զորս համբուարեցի — անշարժ և սառած... Վերո՛ս, Վերո՛ս, զըթութիւն... ա'լ չեմ կրնար, ա'լ անկարող եմ, կ'իյնամ... Ըրէ՛ ինչ որ կ'ուզես...

Վերու, (Զայն իր քեւերուն մէջ առնելով). Մագդաղինէ՛, Մագդաղինէ՛, զիտէի թէ...

Մարիամ Մագդաղենացի, (Անոր հայումին վրայ դէպի եւ ոստում մը ընելով).— Ո՞չ, չէ՛ր զիտեր, ատիկա չէ՛... ուրի՛շ բան կայ... ելք մը կայ...: Մտածե՛լ որ զուն այս քու մարդկային ձեռքիդ մէջ ունիս կեանքը աստուածներու Աստուծոյն որ երկիր իջած է: Գիտե՛մ, զիտե՛մ, զուն չես հաւատար... բայց գոնէ պէտք է հաւատաս անմեղութեան, և զուն ալ գիտես թէ Ան չարիք ըրած չէ... չի զիտեր նոյնիսկ թէ ի՞նչ է չարիքը, քանի որ համակ բարութիւն է Ան: Անիկա ուրիշ բան ըրած չէ, եթէ ոչ բժշկել, մխիթարել և աղօթել... Հոգիները երջանկութեա՛մք ողողած է միայն... Եթէ ճանչնայիր զԱյն, և եթէ քեզի խօսած ըլլար գոնէ մէկ անդամ միայն... որովհետեւ Ան անմեղ է, և որովհետեւ զուն արդարասէր ես, որովհետեւ զուն ուժ ունիս, և որովհետեւ զուն քաջ ես, չես կրնար զԱյն անպաշտպան յանձնել դահճներուն... Հոռմայեցիի մը, նոյնիսկ մարդու մը զործ չէ այդ...: Վերո՛ս, զուն անզգայ չես, հրէշ մը չես, զո՞ւն ալ պիտի հասկնաս... Քեզմէ՛ կախում ունի... ինծի համար, անկարելի է... պատ մը քաշուած կայ իմ դիմացս իր հրեշտակներէն պաշտպանուած:

Հեմ կրնար անցնիլ... պէտք չէ առոր վրայ մտածել:  
Վերու.— Ա'լ բաւական է. և քանի որ ամէն ինչ  
անօդուտ է, թող կատարուի ինչպէս որ որոշած ես,  
և ես չեմ որ զինքը չարչարանքի կը տանիմ:

Մարիամ Մագդաղենացի, (Կառչելով Վերուի հա-  
գուստներուն, որ յայլ մը կ'առնէ դեպի դուռը). Վե-  
րո՛ս, Վերո՛ս... կը պաղատի՛մ... ամէնն այս չէ,  
ամէն բան չլսի... ասիկա չի կրնար այսպէս որոշ-  
ուիլ... Թայց մի պահանջներ միակ անկարելի բանը...  
Քու զերիդ պիտի ըլլամ, կ'ուզեմ ապրիլ ոտքերուդ  
տակ, ծունկի եկած ծառայել քեզի իմ կեանքիս մնա-  
ցած օրերուն մէջ, բայց տուր ինձի իր կեանքը՝ ա-  
ռանց քանդելու իմ հոգիիս մէջ և ամբողջ երկրի վրայ  
ինչ որ կեանքն իսկ է մեր նոր կեանքին համար:

Վերու.— Կը բաւէ... և արդէն, ա՛լ ժամանակ  
չկայ: Իմ համբերութիւնս՝ ազատելու համար մրցակից  
մը զոր կ'ատեմ, այնքան ծաղրելի է որքան քու յա-  
մառութիւնդ փրկելու համար քու սիրահարդ, անոր  
ներբողը հիւսելով... Երբ զայն մեռած տեսնես գրե-  
թէ երեք ժամ վերջը, մի լար անոր վրայ, մի գուցէ  
արցունքներդ ցայտեն դէմքիդ. (Տեսնելով Յովսէի  
Արիմարացին որ կամաց մը կը բանար վերնատան ձա-  
խակողմի դուռը).— Ո՞վ է ան, մտէ՛ք, յարմար ժա-  
մանակին կուզաք. վկաներու պէտք կայ: Ո՞ւր են  
խեղկատակները, հրէշները, բորոտները, պէտք է  
իրենց ըսեմ...

Մարիամ Մագդաղենացի.— Ի՞նչ...  
Վերու.— Պէտք է գիտնան թէ ո՞վ յանձնեց ի-  
րենց Աստուածը... միեւնոյն ատեն պիտի տեսնենք  
թէ սիրտ պիտի ունենա՞ս մինչեւ վերջը յամառելու  
իրենց աչքին առջեւ, և անոնք ի՞նչպէս պիտի ըն-  
դունին լուրը... Որչափ ալ զազրաւեսիլ ըլլան, կ'ու-  
զեմ նորէն տեսնել իրենց տղեղ դէմքերը...

(Դեպի դուռը կ'երայ զօր կը բանայ լայնօրէն):  
Մարիամ Մագդաղենացի, (Անոր շարժումը արգի-  
լելու համար առաջ նետուելով).— Վերո՛ս, Վերո՛ս,  
քեզի արժանի դործ մը չէ այս...  
Վերու.— Գիտե՛մ, գիտե՛մ... կ'երեւայ թէ ո՛չ

մէկ բանի արժանի եմ, ո՛չ իսկ քեզի, բո՞ղ... (որո-  
տագին ձայնով մը կանչելով). ո՞ւր էք դատարկապորտ-  
ներ, շուտ եկէ՛ք, հաշմանդամներ, կաղեր, կոյրեր,  
գոսացածներ, մուրացկաններ, բորոտներ, անդամա-  
գուցին միւսներ... եկէ՛ք, կարեւոր ըսելիք մը ունիմ ձեզի:

(Սարսափահար դկմբեր կ'երեւան կիսաբաց երկու  
դուռներէն):

### ՑԵՍԱՐԱՆ ՀԻՆԳԵՐՈՐԴ

ՎԵՐՈՍ, ՄԱՐԻԱՄ ՄԱԳԴԱՂԵՆԱԾԻ Եւ ԵՐՈՈՉ ՄԵՍԱՅԱՆԻՆ  
ԳՐԵԹԷ ԲՈԼՈՅ ԱՆՁԵՐԸ:

Վերու.— Մտէ՛ք, մտէ՛ք կ'ըսեմ, վախնալու  
բան չկայ: (Վեհերութեամբ ներս կը մտնին): Ամէնքդ  
ալ եկած էք... կարծես պակաեր է թիւերնիդ... ո՞ւր  
գացին միւսները:

Յովսէի Արիմարացի.— Տէ՛ր իմ, մէկ քանիներ  
կան, որ կը կասկածէին թէ զիշերուան մէջ...

Վերու.— Կը հասկնամ, կը վախնային... Իրենց  
սէրն և հաւատքը չեն հասնիր մինչեւ հարուածները:  
Վերջապէս, այս ալ կը բաւէ... կը տեսնէ՞ք այս  
կինը... ես եկած էի առաջարկելու աղատել ձեր  
վարդապետը...: «Այո՛» միայն ըսել կը բաւէր իրեն:  
«Ո՛չ» ըսաւ: Ան կը հրամայէ ձեր Վարդապետին մահը:  
Պիտի մեռնի ուրեմն արեւածագէն առաջ:

(Նարծումներ):

Նիկողիմոս.— Ի՞նչ կ'ըսէ, Մագդաղինէ՛:

(Մարիամ Մագդաղինե չի պատասխաներ:)

Վերու.— Հարցափորձեցէ՛ք զի՞նքը, և պիտի զիտնաք... .

Նիկողիմոս.— Մագդաղինէ՛, ճի՞շդ է ըսածը... .

Յովակի Արիմաբացի.— Բայց, պատասխանէ՛ տեսնենք... ի՞նչ ունիս... .

Վերու.— Ան կորուետի կը մատնէ միեւնոյն ատեն բոլոր անոնք որ հետեւած են մոլորեցուցիչն: Հեելիքս ըսի: Մնա՛ք բարով: Հսկեցէ՛ք ձեր անձին վրայ:

(Դեպի դուռը կ'ուղղուի):

Յովակի Արիմաբացի, (Կը կեցնե զսյն պաղատ ազին).— Կ'աղաշեմ, Տէ՛ր իմ, մի մեկնիք այսպէս... Մագդաղինէ կը սիսալի, պիտի տեսնէք... . սարս սփելի սիսալ մը կայ անշուշտ... . Մագդաղինէ՛, սեսնէ՛ք, ի՞նչ կ'ըսէ, ի՞նչ կ'ըսես զուն... . Բայց կաւելի չէ այս... ի՞նչ անցաւ դարձաւ:

Մեկ քանի հիւանդներ եւ մուրացիկներ, (Երջ սպատելով Մագդաղինեն որ անօարժ կը մնայ, հեռուն դիտելով՝ առանց ոչինչ տեսնելու).— Մագդաղինէ՛, Մագդաղինէ՛:

Կուզ մը.— Աս ալ ծախեց զայն... . Իսկար, ովտացին հետ էր...

Մարքա, (Մարիամ Մագդաղենացի) վիզին պըլուելով).— Մագդաղինէ՛, զիս մտիկ ըրէ... . դււն կը սիրէիր զիս... . ուր ես... . ճիշդ չէ այս, այն զէս չէ: Հսէ՛... Զլսեցի՞ր...

Մարիամ Կղեռպաս, (Զեռքը Մագդաղինեի ուսին դնելով).— Մագդաղինէ՛, Մագդաղինէ՛... . Ո՛չ, կարելի չէ... . զուն չես մոռցած...

Աղիաս մը.— Ո՞րչափ առիր...

Հրաւագործեալ մը.— Այո՛, ո՞րչափ... . ո՞ւր է արձաթը...

Ուրիշ մը.— Վերադարձո՛ւր ոսկին, վերադարձո՛ւր... . Խուզարկեցէք վրան...

Մարիամ Սողոմէ.— Մագդաղինէ՛, Մագդաղինէ՛... Խենդեցած է:

Թափառաւորչիկ մը.— Բո՛զ... . զնուորնելու աղիճ...

Ուրիշ մը.— Ցոփուհի՛, ցնծուհի՛, հանրակի՞ն: Հրաւագործեալ մը.— Եօթը դեւերը զորս իրմէ հանեց, նորէն մտած են մարմնոյն մէջ:

Ուրիշ մը.— Եզներու երամակի մը պէս մեզ ծախե՛ց զմեզ...

Հիւանդ մը.— Ամէնքս ալ անկէ պիտի անցնի՞նք:

Ուրիշ մը.— Այո՛, բայց ո՞չ իրմէ առաջ...

Գօսացած ձեռէով մարդը. — Ասկէ դուրս չպիտի ելլէ մինչեւ որ...

Անդամալոյծ մը.— Ամէն պարագայի մէջ ողջ դուրս չպիտի ելլէ ասկէ, կը հաւաստեմ ձեզ:

(Գրեք բոլորն ալ աղմկելով սպանալից շարժումներ կ'ընեն, որդապատելով Մարիամ Մագդաղենացին, որ կը մնայ համբ եւ անօարժ):

Յովակի Արիմաբացի, (Միջամտելով).— Ի՞նչ կ'ընէք, մի՛ մոռնաք թէ ո՛վ էք, ո՞ւր կը գտնուիք և որո՞ւ անունով կը խօսիք, (Վերոսին): Կ'աղաշեմ, Տէ՛ր իմ, քիչ մը համբերութիւն... . արդարասէր և խօսք հասկցող մէկն եմ ես... . ամէն բան պիտի բացատրուի... . Մտիկ ըրէ, Մագդաղինէ՛, Անոր անունով կը խօսիմ քեզի... . Տակաւին ժամանակ կայ «Այո՛» ըսելու... . Հօր մը պէս կը խօսիմ...

(Միեւնոյն լուութիւնը Մարիամ Մագդաղենացիի կողմէ, որ միտե կը մնայ անօարժ):

Կուզը.— Կը տեսնէ՞ք, փոխարէնը ստացած է...



ՄԱՐԻԱՄ ՄԱԴԻԱՂԵՆԱՅԻ ՅՈՎԾՔԻ ԱՐԻՄԱԹԱՑԻԻ ՍՈՒ Ի,  
ՀԻւանդաներու եւ մուբացիկներու մէջտեղ:

(Ուելութեան պոռքկումներ: Ամենքը կը որջապատեն զայն աւելի մօսեն: Աղաղակները, սպառնալիքները, հայիուշները, աղաչանքները, հծծինները կը կրկնապատկուին: Յանկարծ փողոցին կը բարձրանայ աղմուկ մը, որ կը խափանէ Վերեատան աղմուկը: Աղաղակներն են կատաղի ամբոխի մը որ արագօրնեն կը մօսենայ, նաեւ զենքի ըկահիւններ եւ ձիերու դպիիւններ: Մրահին մէջ հանդարտուքիւն կը տրէ անմիջապէս: Անձկութեամբ ականջ կը դնեն:)

Հրաւագործեալ մը.— Հռոմայեցինե՛րը ... զինուորնե՛ր ... Մեզ ձերբակալելու կուգան ... Այս կինը մատնեց մեզ ... փախչի՞նք ... հոսկէ՛, հոսկէ՛ ...

(Խրարանցում: Մէկ քանիներ՝ ուուրած՝ սրահին մէջ կը վազվուտեն ելք մը փնտոելով):

Թափառաւորջիկ մը.— Ո՛չ, ո՛չ ... դուրս մի՛ ելւ լւք ... Մէկ դուռ միայն կայ ... կարելի չէ խոյս տալ ... Մեզ երեւան պիտի հանեն ...

Հրաւագործեալ մը.— Լոեցէ՛ք ... Պահուըտեսէ՛ք ...

Հաւմանդամ մը.— Մարեցէ՛ք լոյսերը ... Դուրսէն կը տեսնեն ... Շո՛ւտ, շո՛ւտ, մարեցէ՛ք ...

(Լամբարեները կը մարեն):

Ուրիշ մը.— Պատուհանները մի՛ երթաք ... մ'երեւաք պատուհաններէն ... Պատերուն տակ պառկեցէ՛ք ...

Վերոս.— Սքանչելի տեսարան մըն է, զոր կ'ուզեմ տեսնել մինչեւ ծայրը:

Յովսէկի Արիմաբացի, (Վերոսի մօտենալով).— Կոռուստի մի՛ մատնէք զանոնք, Տէ՛ր իմ, տկար և ՄԱՐԻԱՄ ՄԱԴԻԱՂԵՆԱՅԻ

խեղճ մարդիկ են... գրեթէ բոլորն ալ հիւանդ են...  
Չ տիտեն թէ ի՞նչ կ'ընեն... զթացէ՛ք մարդոց վրայ,  
և մի՛ զատէք զանոնք...

(Աղաղակներ. «Ի մա՞ն, ի մա՞ն, մոլորեցուցի՛չ, մոլո-  
րեցուցի՛չ... Գալիլիացի՛, Նազովրեցի՛... Կ'ուզէ  
Տանարը քակել... կ'ուզէ օրենքը քանդել... Հայո-  
յիշ... ի մա՞ն, ի մա՞ն, ի մա՞ն...» Աղաղակները  
կը կրկնապատկուին փողոցին մեջ, եւ կ'որոտան  
հիմայ տանը մեջ իսկ... Զահերու կարմիր լոյսը կը  
քափանցէ սրահին մեջ Երիքավի կոյրը կը սողոս-  
կի պատուհանի մը մօս, եւ դուրսը կը դիմէ:)

Մտահագ ձայն մը. — Պատուհանները մի՛ երթաք:  
Կաղ մը, (Ուրիշ պատուհանի մը մօս երբալով). —  
Ի՞նչ կայ:

Երիքովի կոյրը. — Ա՞ն է...

(Մեկ քանիներ, անդիմադրելի կերպով մղուած, կը սո-  
ղան սինչեւ պատուհանները, եւ փողոցը կը դի-  
մէն, մեծ զգուշութեամբ: Մերը ընդ մերը իրենցմէ  
մեկը սրահին խորը մնացողներուն կողմը կը դառ-  
նայ, տեսածները իմացնելու համար):

Պատուհանը գտնուողներէն մեկը. — Զինուարներով  
շրջապատուած է... Բազմաթիւ են զինուորները...

Ուրիշ մը. — Կը մօտենա՛յ, կը մօտենա՛յ... Զեռ-  
քերը կապուած են... կը հարուածեն զայն...

Ուրիշ մը. — Կուլա՛յ... աչքերը արիւնոտա՛ծ են:  
Ուրիշ մը. — Պիղատոսի կը տանին զայն... Ահա-  
ւասիկ Պետրոս և Յովհաննէս, որ կը պահուի՛ն...

Ուրիշ մը. — Արիւնը կը հոսի ոտքերէն...  
Ուրիշ մը. — Ա՛ւ չի կընար քալել... կը դան.

Դաշէ... կը դանդաշէ...

Վերոս, (Մազդագինին որ բնաւ չէ շարժած եւ  
կը մնայ ոսքի վրայ, սիւնի մը կրբնած, սրահին մեջտեղ,

աշխերը յառած իր առջին, առանց դառնալու պատու-  
հաններուն կողմը). — Մազդագինէ՛...

(Փողոցին մեջ աղմուկը կը դադրի յանկարծ: Խոր  
լուութիւն):

Մեկը, (Մրանին մէջ). — Ի՞նչ է այս...  
Երիքովի մուրացիկը, (Պատուհանին). — Կ'ինա՛յ,  
ինկա՛ւ... տունին կողմը կը նայի...

Վերոս. — Մազդագինէ՛, կը խոստանամ տակաւին:  
Մարիամ Մազդագինացի, (Առանց տեղեն շարժե-  
լու, առանց Վերոսի նայելու, առանց բարկութեան,  
պարզօրէն, անգրերկրային, խաղաղ, աստուածային լոյ-  
սով եւ վսահութեամբ լեցուն ձայնով մը). — Գնա՛...

Երիքովի կոյրը, (Պատուհանին). — Ոտքի ելաւ...  
զայն կը քաշկռանէ՛ն...

(Աղմուկը, «Ի մա՞ն» աղաղակները կը վերսկսին եւ  
կը կրկնապատկուին փողոցին մեջ: Վերոս դուրս  
կ'ելլէ յամրօտին, դիսելով Մազդագինին, որ մնա-  
ցած է անշարժ, կարծես զմայլանին մեջ, եւ լու-  
սաւուուած՝ հեռացող ջաներուն լոյսով:)

### ՎԱՐՌԱԳՈՅՑ



## ՔՆԱՐԴԱՏՆԵՐՈՒ ԳՆԱՀԱՏԱԿԱՆՆԵՐԸ

Ահաւասիկ հատուածներ ֆրանսացի նշանաւոր լեռադասներու գնահատականներէն, զոր լրած ևն ՄԱՐԻԱՄ ՄԱԳԴԱԼԵՆԱՑԻ առաջին ներկայացման առքիւ.—

Մեղերլինքի թատերախաղը կը պարզէ մեզի Մագդաղինէի դարձը։ Տուամը կը յուղուի պերճաղիճին հոգիին մէջ, որ երկնային չնորհքով լեցուած, կը պայքարի և կը պաշտպանէ լնքզինքը ժամանակ մը, բայց հուսկ ուրեմն անձնատուր կ'ըլլայ……։ Այսպէս, գործողութիւնը տեղի կ'ունենայ զուգընթացարար Աւետարանին և Յիսուսի չարչարանքին, շահագրղոական և նկարագեղ հակաղրութեանը մէջ միամիտ բարեպաշտութեանը ու սրտի պարզութեանը Գալիլիացի հասարակ ժողովուրդին, և հին իմաստութեան և հոռմէական լրջութեան։

Ասօլֆ Ասէրէ

Ի՞նչպէս չհիանալ այս հրաշալի մտքին, այս Փիլիսոփային վրայ, որ բանաստեղծ մըն է։ Ի՞նչպէս չզմայլիլ այս թատերագրին վրայ, որ սարսուռի մատնեց մեզ ենթագիտակիցին ուժովը։ Ի՞նչպէս չըսաքանալ հեղինակին վրայ այս տու մներուն, որոնք թարմութիւնը ունին Շէքսրիրի երեւակայած դիւթահրաշ խաղերուն։ Մեղերլինքի գործին մէջ ամէնէն ողբերգական, բուռն զէպքերը միշտ կը յանզին սփոփարար խաղաղութեան մը։ Նկարչութեան մեծ վարպետներուն նման, հանդարտութիւնը ստեղծելու կա-

րողութիւնն ունի ան։ Ոչ մէկ ծամածոռւթիւն, ոչ մէկ վրդովում։ Կը յաջողի միշտ յանդիլ վեհափառ հանգարառութեան մը, չնորհիւ իր թատերական յօս րինուածքին գեղեցիկ կարգաւորման, չնորհիւ իր պարբերութեանց լուրջ հնչեղութեան, չնորհիւ այն զաղափարին, որ կը սաւառնի տոամին վեւեւ։ Կրօնական ներշնչում մը ունի ան։

Նօգիեն



Մօրիս Մեդերլինքի գերազանց արուեստին արդիւնքներէն մէկն է տեղի չտալ մութ ըլլալու հարպուրիչ փորձին, որմէ մէկէ աւելի մեծ բանաստեղծներ տարուած են։ Կ'ուզէ միշտ որ պայծառութիւնը ողողէ իր տան սեմը, և պարտէզին սեւ նոճիներուն մէջտեղ վարդի պսակներ ցուցնեն մեզի ճամբան...

Մարիամ Մազլաղենացիի երեք արարուածներուն մէջ գրական բարձր գեղեցիւթիւններ կան, որոնք ամէն տեղ են և կը գեղեցկացնեն ամբողջ թատերախաղը։ Բայց թատերական տեսակէտով ուրիշներ ալ կան ուր Մօնիս Վաննայի հեղինակը անդամ մըն ալ հաստատած է թէ զիտէ — երբ ուզէ — հաւնիլ ամէնէն խոր բեմական արդիւնքներու։ Մեծ թատրերգակի մը վայել գեղեցիկ մտածում մըն է բնմին վրայ չերեցնել Յիսուսը, որ սակայն գլխաւոր անձն է խաղին, և ողեւորել ու վսեմացնել ամբողջ գործողութիւնը՝ այս աներեւոյթ ներկայութեամբ։ Շատ քիչ թատերական անակնկալներու հանդիպած եմ, որ այնքան գրաւիչ ըլլան, որքան երեւումը յարուցեալ Ղազարոսին, որ Յիսուսի կողմէ կուզայ Մարիամ Մազլաղենացին փնտոելու։ Մեծ բանաստեղծ մը միայն կրնար խորհիլ զրկելու Մահը դէպի Գեղեցկութիւնը, տանելու համար զայն Աստուծոյ։

Վերջապէս, այն ընդհանուր ողին, որ բաւական եղած է Մօրիս Մեդերլինքի՝ կառուցանել իր ողբերգութեան յատակագիծը, ունի եղական բարձրութիւն մը։

Խօսիր Տք Ֆլեռ



Ինչ որ բացարձակապէս գեղեցիկ է Մօրիս Մեդերլինքի զործին մէջ, ինչ որ մտքի մէջ կը մնայ խաղին ներկայ գտնուելի ետքը երկար ատեն, Ղազարոսի Յարութեան խորհուրդն է, այն հրաշալի վերյուշումը՝ զոր հեղինակը զիտցած է ընել՝ ծմարիտ զդացումներուն, զոր մարդ կրնայ ունենալ Մահուան պարուաթեան խորհուրդին առջեւ։ Պատառներով շրջապատուած այս յարուցեալին երեւումը, ճարտարապետական գեղեցիկ զարդանկարի մը մէջ, յառաջ կը բերէ զեղեցկադիտական զգացումներ, որոնք զիւրաւ կը քանդակուին ուղեղին մէջ։ Բայց աւելին կայ։ Մեդերլինք՝ գրականօրէն, իմացականօրէն կրցած է մեղի հաղորդել սարսափի սարսուաը, զոր ինք ալ զգացած պէտք է ըլլայ, նիւթականացնելով Աւետարանի այս զարմանալի պատմուածքը, բանաստեղծական զմայլելի ուժով մը երեւակայելով իրականութիւնն իսկ, սարսուալով ապչահար ամբոխին հետ, որ սարսափ ետ կ'ընկրկի, կիօսքաց և մահանոտ գերեզմանին առջեւ։ Իր տաղանդին հմայքներովը, իր բանաստեղծական վառ երեւակայութեամբ՝ Մօրիս Մեդերլինք ծմարտապէս նշանաւոր հրաշք մը զործած է։ — Յարուցած է Ղազարոսի աւանդութիւնը։ Աւետարանի այս գլուխը այլեւ մեզի համար մեռեալ տառ մը, սովորական բան մը չէ։ ապչեցուցիչ իրականութիւն մըն է ան, իրողութիւն մը, որուն անձամբ ներկայ ըլլալ կը կարծենք։

Քաւլովսի

Պէտք է խոստովանիլ որ Մեղերլինք իր նիւթը  
պարզած է լպատշաճօրէն և յարգանքով։ Փափկա-  
նկատութիւնը ունեցած է Յիսուսը չերեւցնելու բնաւ-  
թատերաբեմին վրայ, հակառակ Մասքնէի Մարիամ  
Մագդաղենացին և էտմօն Ռոսդանի Սամարուհիին  
օրինակներուն։ Փրկչին ձայնը միայն կը լսուի նըր-  
քանցքներէն, և խօսքերը հնարուած չեն հեղինակին  
կողմէ, այլ առնուած են Աւետարանի բնագրէն։ Յա-  
մենայն դէպս, գործը ունի մեծ շահտգրգռութիւն, և  
վսեմ ու տեւական աղնուականութիւն մը։

ԲՈԼ ՍՈՒՏԻԿ



Տարւոյն մէջ երեք չորս անգամ կը լսենք թա-  
տերախաղ մը, որ ոչինչ ունի միւսներուն հետ հասա-  
րակաց։ Ան մեզ կը յուղէ ոչ թէ դէպքերու շահ ս-  
գըրգոռականութեամբ, կամ ողբերգական կարեկցու-  
թեամբ, այլ երեւումովը այն խորունկ կեանքին որ  
դեղեցկութիւնն է։ Անձերը աւելի մեծ կ'երեւան։  
Անոնց խօսքերէն դաշնաւորումներ առաջ կուգան։  
Այսպէս է Մեղերլինքի Մարիամ Մագդաղենացին։

Հանրի Պիտու



# ՔՕՐԴԱՏՈՒԾՈ

ԿԱՄ

## ՈՃՐԱԳՈՐԾԻՆ ԸՆՏԱՆԻՔԸ

Յուզիչ ՏՐԱՄ 5 արար

ՅԱԿՈԲ ԱԲՐՈՅԱՆԻ  
ՖՐԱՇԱՃԱՐ-ՀՐԱՅՈՐԱ  
Քերքիր Խորհրդական  
Դ. ՊՈԼԻՆ, ՊԱՐ ԱԼԻ ՇԵՒՑ Է

Հայերէնի վերածեց Մ. ՀԱՅԵԿԱԶՅՆ

Տպագրութիւն ՅԱԿՈԲ ԱԲՐՈՅԱՆՄԵԱՆ  
Աճքարա հաստեսի, Ծէփս էթէնսի խան

1932

BOSTONIAN BOOK CO.  
OF WASHINGTON ST.  
BOSTON, MASS.

10870  
10875